

4A
34
12
8


4A
34
128

4-52-17-13

4A
34
12
8

XXIV-4

4A
34
12
8





AD
AVGVSTISSIMVM IMP-
RATOREM

RVDOLPHVM SECUNDVM
TYCHONIS BRAHE
PRAEFATIO.



STRONOMIA SCIENTIA ANTIQUISSIMA, DIVINITUS INDE ab Adamo Protoplasto humano generi concessa, longeque præstantissima, in quantum nimis Coelestia & sublimia hæc terrena & inferiora superant : Hæc inquam Divina Astronomia ab ipsis sensibus oculorum, multivagis siderum vicissitudines animadvententibus, quantum ad exteriora originem trahens, multo tempore inde à rerum conditū, excellētissimorum hominum fatigavit & genios & ingenia. Tanta nimis est DEI Optimi & ter maximi majestas, ut à nullis creaturis ipsis operum sapientia exhaustiri queat. Cum verò solus ocularis intuitus omnia illa supra modum admirandi theatri Coelestis mysteria, intricatasq; varietates apparentes, eā, quā opus erat subtilitate & accuracione capere nequiret, excogitarunt omnibus seculis varii Artifices media & organa, quibus visus in percipiendis Siderum astris motibus juvaretur. Hinc sunt illæ columnæ, quas Josephus Judaicarum rerum scriptor refert, Adæ Népotes in Syria extruxisse, iisque sua inventa memoriae causa ad Posteros inscripsisse. Huc pertinent Ägyptiorum & aliarum gentium altissimæ & sumptuosissimæ Pyramides; multæq; aliae machinæ, à Regibus antiquissimis in hunc usum constructæ, quales in India, Syriâ, Arabiâ, Chaldaâ, Äthiopiâ, Ägypto, præsertim isthic in portu Alexandrino, tūm quoque alibi in circumjacentibus Regionibus, ubi homines Siderali scientiæ sedulò intenti degebant, olim spectabantur. Id enim omnium primum est, ut in Astronomicis observationes plurimæ & diutinæ idoneis & errori non obnoxii Organis Cælitus cipientur : quæ postea per Geometriam excogitatis convenientibus Hypothesibus in quantitates continuas & motum circularem ac uniformem (quem Coelestia Naturaliter, & absque intermissione appetunt atque exercent) digeruntur; per Arithmeticam verò in discretas : ut ad quævis tempora constent Coelestium corporum circuitus & loca. Inter omnes verò qui hac re strenue laborarunt, ad nos saltem pervenerunt ea, quæ à Timochare, Hipparcho, Ptolemaeo, Albategnio, Rege Alfonso, & superiori ævo Copernico consignata sunt: quamvis duorum antecedentium in his traditiones saltem ex aliquali Ptolemaei relatione constent: Quibus verò Organis hī in dimetiendis Siderum Phænomenis potissimum usi sint, ex scriptis eorum utcunque liquet. Inter quæ hæc tria præcipua invenio: Regulas Parallaticas, Armillas Zodiacales atque Torquetum, quod Arabibus (uti & Astrolabia plana) potius in usu erat: cetera minoris sunt momenti. Multa tamen forte alia fuere, quæ literis non prodita, ad nos haud pervehérunt; quæ in tantamq; crebra Mundanæ scenæ confusione & mutatione, tot bellis & devastationibus subinde irrepentibus facile (quod deplorandum est) interire poterant. Recentiores Quadrantem, Radium & Annulum Astronomicum addidere, tūm quoque quædam minoris adhuc estimationis'. Ex quo autem Siderum motus accuratè nostro ævo considerati nequaquam ita se exhibeant, ut fert calculus ex ullo rum sive veterum, sive recentium Artificum Observationibus derivatus, non immerito suspicio-

PRAEFATIO

suspicionem movet, media & Instrumenta quibus inter observandum usi sint, haud undiquaque omni vitio caruisse. Quod vel ipsa affixarum Stellarum loca aliter ad invicem disposita, quam fert Hipparchiana à Ptolemæo recensita, & inde ad nos propagata denotatio, etiam si cetera prætereantur, satis convincit: adeò ut ne veteribus quidem, ubi Imperatores & Reges sumptus talibus Organis conficiendis liberaliter suppeditarunt, quod è solida & metallica magnificè confierent materia, convenientiè amplitudine ritè se haberent: nedum ea, quæ Copernicus superioriè tate privatis impensis paravit: nec materię soliditatem, nec etiam justa magnitudine iis, quibus destinabuntur, usibus, sufficientia, partim ex operæ ejus Revolutionum liquet; partim ex iis quæ adhuc supersunt, illi in usu habitis Organis; quorum unum, Parallaticum nimirum, plane ligneum, nec observationibus satis aptum penes me est. Quocirca cogitanti mihi admodum sollicitè inde ab Adolescentiâ, an non huic incommodo subveniri posset; varia deinde successive construi curavi Instrumenta Astronomica, diligentia & impendio incredibili: quibus Siderum apparentia exactius quam ab Antecessoribus nostris factitatum est, (absit invidia dicto) scrutari licet. Quamvis verò ea, quæ in adolescentiâ confecimus, quando neque cognitio neque judicium maturum satis erat, non admodum exactè scopum petitum attigerint, tamen succedente graviore etate una cum experientia crebriore, alia tandem majora & excellentiora adinveni & affabré elaborari curavi Organa, qualia forte vix illa prior etas vidit, quæ summà præcisione & certitudine, id quod intenditur, præstant. Construxi autem varia & multiplicita, idque evidenteribus de causis. Primum quod diversimodè idem inquirendo Observationem omnis erroris expertem esse comprobarem, tūm quoque, ut si aliquod eorum quid latentis vitii contraheret, (quod & Ptolemæus de quibusdam è solidō metallō fabrefactis, quæ in porticu Alexandrino olim stabant, conqueri videtur) aliamox ad manus essent, quæ id corrigerent, atque certitudinem exactam probarent. Et insuper ut Observatorum, quos ad minimum sex vel octo esse oportet, in collimando perspicacitas, & in numerando diligentia ad invicem collata examinetur, nullo eorum, quid alias adinvenerit conscientia. Ut taceam, ipsam varietatem Observatores diligentiores & alacriores reddere, atque per se delectare. Accedit & hoc quod non nulla sint inter ea quæ observanda veniunt, his potius quam alijs, ut ritè investigentur, obtemperantia machinis, uti quædam solummodo Altitudines notas requiriunt, quædam una cum his Azimutha, nonnulla solas distantias exigentia, quædam Declinationes, quædam Distantias Äquatorias poscentia, & alia pro longitudinibus & latitudinibus, aliaque pro Ascensionibus rectis & Declinationibus simul obtinendis oportuna, & sic de ceteris, si quæ plura Observationi Cœlesti, quounque modo administrandæ, inserviunt. Ut vel hac solum de causa Instrumentorum copia & varietas omnino sit necessaria. Quoniam verò ea, quæ in usum Artium ab hominibus excogitantur & elaborantur communicativa esse oporteat, ob societatem benignam generis humani, & Artium ad posteros propagationem; non mihi soli tam sublimia & utilia inventa reservanda duxi: sed & aliis, si quispiam locorum (quod spero) inveniantur, quos tam ardua tangat cura, impertienda. Ideoque Organa ea, quæ hactenus in usu habui, delineata & suis, quatenus tam cito præstari potuit, iconibus repræsentata, prælo subiici, & in publicum prodire volui; adjuncta singulorum succincta explicatione, pro ut in sequentibus patebit. Observavi autem in iis disponendis hanc potissimum Methodum, ut primum ea, quæ Altitudines atque Azimutha Siderum scrutantur, constituerem, quorum aliqua solas Altitudines, aliqua verò tam has quam Azimutha pandunt: Ubi etiam minora minusque principalia præcedunt. Cetera augustinæ & exactam præcisionem largientia subsequuntur; atque his Organa octo priora absolvuntur; licet & ultimò Quadrantem quendam maximum, Altitudinibus solummodo destinatum, quo olim in juventute Augustæ Vindelicorum usus sum, ostendam & commorem. Quod qua de causa factum sit, postea dicetur. Deinde sequuntur Instrumenta Armillaria; inter quæ primum Armillas habet Zodiacales, siderum longitudines & latitudes majore compendio & certitudine quam forte à veteribus factitatum est, exhibentes. Verum cum hæ certis de caussis ibidem expositis rem omnem acutum (uti dicitur) non tangant; aliæ tres subsequuntur Armillæ Äquinoctiales, quarum prima tribus circulis atque Axe constat; altera quatuor una cum hoc requirit. Tertia verò & maxima sesquialtero circul & axe, uti in ceteris, tereti contenta rem omnem expedit: & tam Declinationes quam Ascensiones rectas, unaq; à Meridiano distantias quam subtilissimè manifestat. Tertio loco ea Instrumenta, quæ siderum intercapitidianibus rimandis inserviunt ordinavi: idq; tam pro majoribus

AD CAESAREM.

majoribus quam minoribus distantiis, modò sextam circuli partem non excedant, obtinendis: Suntq; horum quæ distantiis debentur numero quatuor, licet & plura in promptu habeam, quæ tam citò depingere atque excindi curare non licuit; inter quæ unum est, quod siderum remotiones sexta etiam circuli parte longè majores usque in ipsum semicirculum depromit. Tandem quoddam Instrumentum, quo in nova Anni 1572. suprà modum admiranda Stella, quatenus altitudinibus ejus in situ præsertim decliviore denotandis collocabatur, usus sum, præter ordinem priorem appositum est: quemadmodum & Quadrans ille ingens, cuius antea memini, quem propè Augustam Vindelicorum in horto Consulis optimæ memoriae Pauli Hainzelii, harum artium, dum in vivis esset, cupidissimi ante plurimos annos extrui curavimus: Qui cum amplius ibi non extet, & quinquennio tantum durarit, nolui ei inter cætera Instrumenta, Altitudines scrutantia locum concedere, sed ad calcem ob id reposui. Et post hunc Chalybeum quendam Quadrantem, de quò in anterioribus egeram, ibi tamen aliter ordinatum. His absolutis aliorum è meis Instrumentis brevis descriptio, quæ necdum delineata & exposita in próptu habeo, tandem subjungitur, ubi etjam additur nonnulla indicatio erum quæ miro compendio adhuc elabore animus est: Quorum singulorum tam in iis, quæ parata ad manus sunt, quam aliis suo tempore per oblatam commoditatatem elaborandis pleniorē declarationem impertiar, nunc breviti studens, cum etjam icones eorundem in promptu non essent, pauculis saltē quæ negotium hoc concernebant attingere lubuit. Ultimò tanquam Coronidis loco Globum illum maximum Orichalcicum, qui mille stellas Fixas, à nobis summa diligentia & præcisione plurimis ad hinc retrò annis restitutas complectitur, efformatum declaramus: quatenus restam operosa & multiplici usui inserviens paucis elucidari potest. Atque sic Instrumentorum descriptioni finem imponimus. Quibus omnibus anneximus eorum quæ hactenus à nobis exantlata sunt, atque in posterum absolvenda restant, nonnullam commemorationem; additis paucis quibusdam Clarorum Virorum Epistolis, negotium, quod molimur, commendantibus, Quin & appendicis cuiusdam loco Architeconica opera, quæ structuras in hos usus à nobis præcedentibus aliquot Annis ordinatas & confectas, oculis patefaciunt, repræsentata & explicata superaddere visum est. Quo licet hoc loco non admodum necessarium quibusdam videri posset, siquidem ii, qui hisce seriam curam adhibere voluerint, atq; sumptibus administrandis pares sint, facile ædificiorum hūc conducentium, captata præsertim loci oportunitae, rationes per se adinvenient: tamen ut aliqualem idam secundum ea quæ à nobis circa hæc jugiter elaborata sunt, præmonstrarem, non omnino circa rem esse censui, si hæc ædifica Astronomica unā repræsentata adjungerem. Atque hæc ferè sunt, quibus liber hic absolvitur, quemadmodum etjam introspicienti patebit. Si que alia intermixta aut addita sunt, prudens lector ea non difficulter per semetipsum dispiciet: Ut me monitore non opus habeat.

TIBI verò, Augustissime Imperator, RUDOLPHUS SECUNDE, Domine Clementissime, hunc & alios nostros labores Astronomicos submissio animo, & publici boni studio-sa intentione, offerò, dico & consecro. Tua enim Imperatoria Majestas veluti summa præminentia reliquos inferiores homines longè antecellit, ita etjam Cœlum & Cœlestia, terrena ac vulgaria in immensum superantia æmulari. Cæl. T. M. dignitatis & officii esse non ignoras: ideoq; hæc sublimia studia in precio habenda atque fovenda. Hūc respexit videatur vetustus ille Poëta Manilius, dum ad Augustum Imperii Romani Monarcham secundum, de hac Cœlesti Arte scribens, hoc Elogio eam non immiterò ornat:

*Regales animos primū dignata movere est
Proxima tangentes Cælo fastigiarerum.*

TIBI itaque, Cæsar Augustissime, ea, quæ multis jam Annis penè à pueritia, indefesso labore, & impendio incredibili exantlavimus, quó divina illa maximeque Regalis, & præ cæteris omnibus principem locum obtinens Scientia Astronomica in integrum aliquando restitueretur, Posterisque emendatior, quam unquam antea, traderetur, Clementer accepta, meque & hæc ipsa, quæ tracto præclara Studia in posterum, quam commendatissima fore confido: quò D E I Opt: Max: honor & Majestas, quæ in rebus Cœlestibus præ ceteris hujus amplissimi theatri Mundani aspectabilibus elucet, rectius innotescat, & eod magis apud Terricolas amplietur & suspiciatur; Tuęque insuper Cæsar: Majestatis memoria & fama, quod hæc tam excellentia, in rebus Mundanis fermè pre-
cipua

PRAEFATIO AD CAESAR.

cipua, conservare, tueri, & promovere non degravetur, ad omnem Posteritatem, quoad Sol & Sidera durabunt, eo illius fulgeat & perduret. Siquidem ex his solis, quae perpetua & constantia sunt, qualia Cœlestia, perpetuum & constans acquirere nomen decusque datur. Cetera Sublunaria & terrena, uti sunt multiplicibus mutationibus obnoxia, ita etiam quæcunq; ex his paratur gloria, fluxa vaga, atque inconstans est, nec æternitatis emula, uti hæc, de quibus loquor, Cœlestia. Quorum summus ille & compræhensibilis author Majestati tuae Cæsareæ, mentem bonam, corporis sanitatem, pacem & honorum hujus Mundi affluentiam cum imperio tranquillo & felici largiri dignetur, in suam præcipue gloriam & rerum à se conditarum illustrationem, subditorumq; tuorum emolumentum, quod submissè atque ex animo precor & voveo. Valeat T. C. Ma. & hanc novi hujus Anni strenuam, quam pro virili & submissso animo, quæ possum reverentia exhibeo, Clementer accipiat. Dabantur ex Arce Ranzoviana Wandesbnrgo, quæ prope Hamburgum est in finibus Germaniæ & Cimbricæ Cheronesi, pridie Calendarum Januarii. ANNUS
Epochæ Christianæ Vulgaris.
c. 15. 15. 11C.



AD

AD
GENERO SVM VIRVM

TYCHONEM BRAHEVM
DE KNVDSTRVP, COGNATVM ET AF-
FINEM SUUM DESIDERATIS-
SIMUM;

IN

ZOILOS,
MALEVOLOS ET INSCIOS.


VRANIA abstusos, quamvis neglecta, recessus
Quos habitare datur magnis celso Aethere Di vis,
Ignorasq; vias Cœli motusq; perennes
Dum novisse sinit, tibi TYCHO, ea sacra recludens,
Circum qua celos agitari conspicit axes,
Nilq; morata tamen turba inscia & invida, sannis
Excipit, ac stolido nec dum perspecta stupore
Vellicat, exagitat, fraudes meditatur & astutus
Injustasq; struit technas, infandaq; vibrat
Tela, sed in solido se se infringentia scuto,
Illustres queis forte queat turbare labores.
Sufficit ait ipsi sibi semper ut undiq; virtus,
Nec nugas moresq; hominum cunctatur inanes.
En modo Divinis (mirum) conformia sacris
Organa producis, quibus altum subdere Cœlum
Ingenio potes ipse tuo. Procul ite prophani:
Sunt hac virtutis, sunt Gorgonis emula vultus,
Sunt majora etiam: nec enim, qua lucida, curant,
Aut quibus extimulant, pravas male conscientes
Invidia atq; odium: Tandem hac concussa vel ipso
Obtutuceu saxa, stupent q; silent q; rigent q;
Quin etiam ignaros, quibus hac adeo Enthea sor dent,
Quis neget & truncos, hominisq; in corpore belvas?
At te TYCHO imis superum penetralibus infer,
Quodq; facis, Mundi ex alto deliria ride
Immundi, strepitusq; humiles, & nescia fortis
Pectora quam Divi dispensant tramite justo,
Stansq; vado fluctus, Imbres & flaminatemne.

OLIGERVVS ROSENKRANZIVS
G. F. de Rosenholm, F.

QVA



QVADRANS MINOR
ORICHALCICUS INAURATUS.



EXPLI

facto ex aucta EXPLICATIO FABRICAE ET VSVS.

QADRANS non usq; adeò magnus ante plurimos annos à nobis constructus est, et à formâ, quæ hic exhibetur: è solida constans laminâ Orichalcicâ crassiunculâ, habens à Centro A ad circumferentiam BDC cubitum unum. Isq; omni sui parte inauratus Auri hydrargyri & ignis beneficio, ut pulchrior & mûdior maneat, nō obnoxius iis, quæ Orichalcum alias nisi saepè mundetur, successivè contrahit, inquinamentis. Limbus ejus exterior BDC subdivisus est vulgari saltē ratione in 90. partes, & quælibet harum rursus in 12. ita ut hæc subdivisio singula quina ostendat minuta. Intra hanc est alia quædā distributio quām Petrus Nonnius Hispanus Mathematicus Clarissimus in Erudito suo libello de Crepusculis tradidit, existimans eam à Ptolomæo olim usurpatam fuisse. Quod tamen vix fidem meretur. Est autem talis, ut ducantur intra extremum Quadrantem alii minores numero 44. successivè sese comitantes: quorum extimus in 89. partes est dividendus: sequens in 88. tertius in 87; & sic deinceps, donec ad ultimum & intimum, perventum fuerit, qui 46. portiones habebit. Quemadmodum hæc uncunq; in ipsâ figura-tione repræsentantur. Regula ejus DA habet pinnacidiâ apud A & D vulgari modo parata cum foraminibus: licet inferiori apud A nonnunquam rimulæ applicari possint parellæ superiori, more nostro: sicq; facilior & exactior fieri collimatio. Perpendiculum EFG à pos-teriori parte appenditur, ut ejus beneficio cognoscatur, quādo Quadrans ritè dispositus est, ita ut inferius ejus latus AB Horizontis æquilibrium, alterumverò AC verticem capitum exactè respiciat: totumq; Quadrantis planum plano Circuli alicujus verticalis congruat. Ut autem Quadrans ita ritè dirigatur, sit partim per cochleas, quas habet juxta inferiorē dispo-sitionem Pedestalis, literis S. notatas, partim per cochleam ad OM, quæ ipsum Quadrantem tollit & deprimit, donec perpendiculum monstret, ipsum convenienter esse ordinatum. In-sistit enim is pedestali NMOPQRST, quod totū cum cæteris requisitis è puro est ferro, ubi à posteriori parte juxta H illi affigitur. Estq; prope N nonnihil mobile hoc fulcrū; ita ut Qua-drans sursum atque deorsum trudi queat per cochleam OM. Nam Regule ferre MN&ON possunt arctari & ampliari intermediaente cädē cochleâ OM: sicq; quadrans una parumper attolli vel deprimi prout opus fuerit. Circumducitur etiam is in concavo canali NP, in quâ-cunq; Cœli plágam lubuerit: firmâ tamen manente totâ inferiori pedestralis parte: quam li-teræ RSQT signant: quæ inferior portio cā, quâ vides formâ fulcimina præbet, ut Quadrans firmiter consistat in suis quatuor cochleis per literas ST indicatis: quæ cochleæ (uti dixi) to-tum Instrumentum in debitum situm dirigunt. Innituntur autem hæ cochleæ laminulis ferreis substratis juxta T: quibus quiescentibus in mensâ quâdam XYZ cochleæ pro lubi-tu circumgyrantur.. Atq; hæ de Quadrante ejusq; pedestali generaliter indicata sunt.

Quæ autem aliquatenus visitur intra Centrum & minimum Quadrantem pictura LK circulari formâ comprehensâ; ornatus causa cum quoq; ut suâ Hieroglyphicâ significatione quidpiam doceat, exsculpta est; cùm alias spatiū id foret vacuum. In quâ figura-tione (ut & hoc obiter indicem) ad arborem altera parte viridem & frondosam Juvenis laurea insigni-tus, in quadrato saxo sedet, & unâ manu Globum Cœlestem tenet, altera librum in viridi et-ja gramine; & herbis radicem arboris obtegentibus pedes extendens*. Ab alia, leva videlicet Arboris parte radix emarcida est, & frondes steriles, foliisq; carentes: inter quæ mensa exsistit, habens è singulis ferre aliiquid; quæ in hac terrestri scena à mortalibus in pretio ha-bentur; qualia sunt: cistula nūmis referta, Sceptra, Coronæ, Arma gentilitia, Torques aurei, Gemmæ, Mundus muliebris, Pocula, Chartæ, Tesseræ, atq; his similia: quæ omnia skeleton-quoddam, mortem representans, manib; pedibusq; circumdat, quasi ea ad se rapiat. Supra-scriptum verò est toti figuræ hemistichium, quod sensum Allegoricum explanat: *VIVIMUS INGENIO COETERA MORTIS ERUNT*: ita ut prior pars hemistichii à dextera & viridi arboris parte ubi juvenis ille Philosophans sedet, tanquam in scheda scripta è ramis dependeat, alte-ra, sequens hemistichii portio. Quibus innuere voluimus solidam doctrinam, præsertim rerum Cœlestium sublimem cognitionem, vitæ & memoriaræ perpetuitatem in hisce terris largiri: Reliqua omnia frivola & caduca esse; atque unâ cum hominis corpore interire. Quando verò æternitatem Regni Cælorum respicimus, tunc hæc ipsa, quæ nunc à viridi arboris parte sunt, in posteriorem transeunt: siquidem finiti & infiniti nulla detur proportio. Tuncq; aliter mutatur hemistichium inscriptum, nimirūm sic: *VIVIMUS IN CHRISTO, COETERA MORTIS ERUNT*; ita ut prior pars arbori viridi, altera sterili adaptetur.. Intra viridem autem arboris faciem, Christi vitæ & doctrinæ Hieroglyphica quâdam indicatio est. Cæ-teræ manent, ut antea: nisi quod doctrinæ & inventiones humanæ etiam in lævam & poste-riorem,

EXPLICATIO FABRICAE ET VSUS.

riorem arboris, sterilem nimirum partem vergant. Quibus innuimus, nihil hominem beatum, & immortalitatem in aeternum donare posse, praeter meritum filii Dei Christi redemptoris, ejusque Doctrinæ & vitæ observantiam. Quæ singula hic, licet forte citra rem, ob picturam adjunctam exponere lubuit. Ab altera Quadrantis parte Canon ziphris excisus est, qui minimo negotio ostendit, quid singula puncta Nonnianæ (de qua dixi) Divisionis in Altitudinibus quæsitis exhibeant.


Usus hujus Quadrantis est in capiendis stellarum & Luminarium Altitudinibus; quando non summa requiritur præcisio, ita ut intra duo vel tria minuta hanc scire sufficiat. Dirigat uritaq; tunc planum Quadrantis versus sidus observandum & ritè disponatur per suas cochleas, ut prius dictum, donec perpendicularum monstret omnia ritè constare. Tollereturq; tunc, vel deprimatur Regula A D, donec sidus per foramina aut rimulas dioptrarum cernatur, aut lumen Solis intromittatur ad amissim. Sicq; firmetur ab altera parte juxta D, ubi cochleolam hic latentem habet. Monstrabit enim sic in exteriore limbo, ubi divisiones sunt vulgares, extrema etiam Regula pars Altitudinem quæsitam intra quina minuta; quorum quoque dimidiam vel tertiam partem accurato intuitu assequi licet. At si Nonniana simul divisione uti lubuerit, videndum est, ubi Regula aliquod punctum in ea, ubi cunque tandem, transeat; & numerandum, quotum sit illud punctum, ac quot talia ille Quadrans continet: cum quibus duobus in Tabulam ab altera Quadrantis parte exsculptam lateraliiter intrandum, sicque in area juxta communem concursum inveniuntur Gradus & Minuta, Altitudinem mensuratam pandentia. Idem absque Tabula per Regulam proportionum, non multo labore, efficitur: ponendo primo loco totalem divisionem ejus Quadrantis, in quo punctum aliquod ipsa Regula contingitur. Secundo loco Gradus 90.

Tertio numerum ejusdem puncti principio, eò usque ubi Regula est: sicque quartus peracta operatione solita ostendet quæsumus. Verum hæc Nonniana ratio non est sufficiens in praxi: neque habet in recessu quod in accessu pollicetur; uti experiunti patebit.



Præfatio

QVADRANS MEDIOCSIS ORICHALCICUS AZIMUTHALIS.



A 2

EXPLI-

EXPLICATIO FABRICAE ET VSVS.



IC Quadrans ABC ex solida constans lamina Orichalcica, habet à centro ad circumferentiam AB paulò plus sesquialtero cubito. Crasities ejus est fermè semis latitudinis digiti. Continet verò intra circumferentiam, non solum divisionem nobis usitatam per lineas & puncta transversalia (de quā alias) Sed & Nonnianam illam Clarissimi Mathematici Hispani, in libello eruditio de Crepusculis proditam, cujus in priori memini, alia tamen & magis accōmoda ratione ampliatam, ita ut plures contineat subdivisiones, eorum præterim numerorum qui in aliquotās integras partes distribui commodè possunt. Qua in parte Nonniana inventio non parvam difficultatem ingerebat: cùm etiam per se non sit sufficiens omnibus totius Quadrantis minutis, né dum ut horum etiam scrupula secunda, prout ille voluit, manifestet. Id enim potius in calculo, quām praxi locum habet: uti alias sāpē sic falli Tyrones in hac Arte usu venit. Additur etiam Tabula in altera Quadrantis superficie excisa, quæ Divisiones illustrat, & sine ulteriore calculo usibus facillimæ aptas reddit. Regula ejus DE tota Chalybea est, ut eò promptius directa semper maneat. At simul inaurata, né rubigine inficiatur. Duo dioptra circa DE habet Orichalcica, ubi inferiùs E rimulas priori pinnacido ad D parallelas, cui oculus observatoris applicandus, exhibet quo sidera undiquaq; circa primū pinnacidum eò collimatius & centraliter absq; omni hallucinatione collineare liceat. Qui modus nobis in omnibus fermè Instrumentis usitatus est. Estq; ipsa Regula data opera Quadrantis radio longior facta apud AE; partim ut circa inferiorem finem ad E inter collinandum digitis facile attolli deprimitq; possit, donec Astri observandi exquisita pateat altitudo, unaq; Azimuthum. Quæ etiam ubiq; prout mota fuerit, firma maneat: alia ab altera Quadrantis parte circa D pluma (uti vocant) tenui Chalibea eam sic continente & observante: ut eò exactior & commodior fiat observatio. Evenit enim fermè sic, ac si Quadrans in radio haberet longitudinem, qualis est DE: & insuper, ne inferiora obstent fulcra, aptior est tractatio. Atque hæc de ipso Quadrante satis explanata sunt. Fulcra verò, de quibus loquor, sic habent: Primū volvitur ipse Quadrans, cuidam tereti oblongo robusto ferro affixus, circa H per cochleolam: ita ut auferri possit, quando lubet, in quodam canali, qui exteriùs eas habet angulum, quæ apparent, circumgyrationes firmitudinis & ornatus causa. Canalis autem ipse inferiùs gestat aliam regulā, quæ juxta K & M repræsentatur; & unā cum plano Quadrantis in quam ibet Cœli faciem supra Horizontem Azimuthalem Chalybeum NOP commodè convolvitur: simulq; sub indice K Azimutha sideris observati una cum Altitudine, pandit eodem negotio, ita ut Altitudines superiùs in Quadrante, (prout manifestatum) numerandæ veniant; Azimutha autem in dicto Circulo Azimuthali. Cochlez, quæ circa dictas literas visuntur tres, nūm quoque quarta ab altera parte latens; efficiunt, ut per eas Horizon ille chalybeus in planum Horizontis veri exactè disponi possit, adeoq; ipse superius existens Quadrans ritè tam secundum equilibrium Horizontis, quām versus Zenith utroque suo latere dirigi: Licet & alia juxta I sit cochlea, quæ ipsum in minutulis quibusvis differentiolis (sicubi opus fuerit) corrigat: ita ut amissim planum cuiusvis Circuli verticalis in quo cunque suo situ repræsentet. Porro insistunt cochlez hæ Chalibæ, totum Instrumentum portantes, quatuor columnis marmoreis; quarum tres visui patentes literis XYZ indicantur.. Quarta à posteriori parte illis par, non satis appetet. Demum intra hæc quatuor continetur scannum sive pedestale per QRS signatum: in quod peracta observatione adscenditur & statur, ut altitudo in circumferentia Quadrantis observata commode & accuratè numerari queat. Atque hæc de Instrumenti fabrica indicasse sufficiat. Reliqua, si quæ minutula desiderantur, ex ipsa figuræ oculari inspectione & diligentia attentione facilè cognoscuntur.,


Usus ejus latissimè patet, quaquā versum per Altitudines & Azimutha tam Planetaryrum quām affixarum stellarum quidpiam est, quod observationibus Astronomicis accommodari queat, ac per Triangulorum scientiam in numeros deduci, eidemq; inservire. Quædere consuluntur artificum libri, tūm quoq; ea, quæ nos circa hæc in nostris operibus hinc inde, prout res postulabat, commentati sumus: præsertim in Tomo Progymnasmatum Astronomicorum secundo, qui de Cometa anni 77. luculenter agit. In ejus enim observationibus isthic expositis, atq; in demonstrationem adaptatis, hujus Quadrantis præcipuus usus exitit; cū reliquos majores & alia forma posteà fabricatos, tunc tēporis ad manus non habuerim. Sufficiebat nihilominus hic, siquidē singula minuta tam in Altitudinibus quā Azimuthis satis discretè exhibeat. Explicatur erjā in dicto libro circa calcem; pag. nimirum 461. & tribus

Fabri *EXPLICATIO FABRICAE ET VSUS.*

& tribus sequentibus hic idem Quadrans paulo uberioris per varias circumstantias, atq; una ibidem Divisionis circumferentiae in punctis transversalibus modus & aptissimus & exactissimus à nobis primùm circularibus applicatus fusius explanatur, & exquisitè picturâ illustratur. Quin & dioptra ejus isthic pag. 462: et jam depingitur ac exponitur, quò pinnacidorum ratio & rimularum, de quibus subinde mentionem facio, dispositio, cæteraq; huc conducentia dilucidè ostenduntur. Eò itaq; lectorem harum rerum cupidum remitto: ubi et jam plura inveniet hanc Mæchanicam, tam hujus, quam aliorum Instrumentorum rationem concernentia: quæ omnia hic annotare locus non patiebatur. Et quæ ibi circa divisionis & pinnacidorum stationem prolata sunt, in omnibus aliis Instrumentis, quibus hæc ac commodi dare oportet, intelligi volo: ne tam hic quam alibi ea fastidiosè revocare opus sit. Id saltē tam propter hoc quam cætera Instrumenta hic monebo, oportere ea omni ex parte esse quam absolutissima. Ideoq; idoneos Artifices Mæchanicos adhibendos, qui tali affabré elaborare nōrint aut discant. Et si primā vicerem omnem acu (uti ajunt) non tingerint, haud pigeat structorem denuò reiterare opus, eaq; omnimodè emendare, quæ dèsidierantur: donec nulli vitio obnoxia sint. Quod ipsa observatio intelligenti satis prodit, variè administrata. Hinc factum est, ut nos pleraque ex iis Instrumentis, quæ in hoc libro exhibemus, bis vel ter non sine sumptu magno non renovari, imò quasi de novo confici curaverimus; molendinis et jam tam perequos, quam aquis circumducendis iu eos usus, ut tornarentur, licet ferme frustra, extuctis: Multisq; aliis impensis, quæ in ipsis Instrumentis non facile estimantur, huc erogatis.



QVADRANS ALIVS ORICHAL.
CICUS ETIAM AZIMUTHALIS.



EXPLI

EXPLICATIO FABRICAE ET VSUS.




Ic quoque Quadrans A BC è solido constans Orichalco; sed ita distributus, prout in figurâ apparet, habens sub se Horizontem GHIK Azimutha continentem, & è solido Orichalco fusum. Totius verò Instrumenti partes sigillatim explicatae, in hunc modum se habent: à Centro A ad B vel C est longitudo unius cubiti cum semisse. Hinc patet circumferentia BC, quæ etiam per puncta transversalia consueto nobis more in singula Graduum minuta subdivisa est; nullumq; alium, ut in priori, distinctionis modum obtinet: siquidem limbis non adeò latus sit, ut plures commodè excipiat. Habet nihilominus duorum circiter digitorum latitudinem; & singulis minutis exprimendis transversaliter (ut dixi) capax est. Quadratum verò, quod in area Quadrantis A D E F conspicitur, unaq; huic decussatim incidentes cognationes fulcri saltēm loco & majoris firmitatis eidem adaptantur: nisi quod Quadratum illud usui quoque esse possit in dimensionibus Geometricis quoad altitudinem & latitudinem rerum, quæ in terra conspicuntur, atque in eâ hominum labore extrectæ sunt: Quemadmodum alias Instrumentum illud, quod Quadratum Geometricum appellavit Peurbachius; hæc & similia promit: veluti ab eodem eximio viro peculiari libello explanatum & demonstratum est: atque alias id ab iis, qui Astrolabium explicant, præser-tim quoad ejus (uti vocant) dorsum, minori negotio licet non adeò exactè) indicatur. Altera adaptatio, quæ circa hæc dicta cernit, atque à posteriori Quadrantis parte intelligenda venit, formam literæ Y repræsentans, atque his tribus literis VV X Y consignata, propter ea idest, ut ipsum Quadrantis planum Horizonti, cui in volvit, ad angulum rectum, quomodo docunq; circumgyretur, sistat; unaq; eâ parte, quâ Horizonti juxta Y conjungitur, cochleola quâdam, ubi opus est, ita figat, ut in suo loco ibi immotus permanens, Gradus Azimuthales commodè demonstret. Ubi etiam Regula quâdam à Centro L versus cochleam Y ducta conjungit fulcri extremitatem cum inferiori & mediâ Quadrantis parte, quò eò firmius omnia cohærent, & pariter circumagatur: plumeolâ etiam inferius ad cochleam addita, ut consistat Quadrans in quovis loco absque omni vacillatione immotus. Quod verò Quadrans hic non tota sua superficie solidus sit, sed discrimina ea, quadrilatera ut plurimum, quæ in eo visuntur, habeat, id præbet utilitatis, quod minoris sit ponderis, atque ob id non saltēm facilius tractari, sed etiam ab uno in alium locum, (cujus etiam causâ ex partibus cōstat) transferri queat: ut postea pleniū indicabimus. De regula quoq; ejus dioptras gestante, jam mox dicemus, ubi prius de Horizonte Azimuthali nonnulla explanauerimus: siquidem dioptæ illæ observationi tam Altitudinem quam Azimuthorum pariter inserviant. Ideoq; Regula ipsa suo plano oblongiori & latiori, plano etiam Quadrantis ubiq; adjacet: adeò ut ejam inferiori sua parte, A S qua prominet, eandem planitatem exactè respiciat, & dioptræ cum suis pinnaciis huic æquidistant, tum quoq; Orthogonaliter insistant: alias enim Azimuthorum (ut de Altitudinibus non dicam) accurata fieri nequiret perscrutatio. Horizon autem Azimuthalis (de quo dixi) infra Quadrantem existens, adeoque ipsum sustentans, per G H I K exprimitur, habens in se decussatim ad angulos rectos fulcimina, ut cōfirmior permaneat, atque circa horum angulos communies, in centro nimirum ejusdem. Horizontalis circuli Quadrans totaliter in adaptata isthic canali revolvatur. Habet insuper extremitates earundem contignationum quatuor cochleas M N O P, quibus rotus horizon, adeoq; ipse Quadrans illi insistens, ita dirigantur, ut hic planum Circuli verticalis cuiusvis ad amissim imitetur: Ille verò æquilibrium Horizontis: quo utriusque usus tam quoad Altitudines quam Azimutha ritè constet. Regula (cujus nonnihil anteà memini) ipsi Quadranti applicata SV T eodem modo se habet, quod sua dioptra & pinnacia, quæ admodum in priori indicatum est; nisi quod inferius juxta dioptram S habeat duas ansas, quibus commodè manu attolli & deprimi queat, prout Altitudo observanda requirit: tum quoque, ut suo pondere alteram Regulæ partem T A quasi in æquilibrio detineat. Ceterum insistit totum Instrumentum lapidi Quadrato aliquatenus in lateribus excavato, commodioris usus gratiâ, qui per literam Q exprimitur. Is verò columnæ lapideæ R firmiter innititur, ut ipsa figura hæc satis ostendit. Habet hic Quadrans præ antecedenti in suâ fabrica id commoditatis, quod tam is quam Horizon cui insistit, omniaq; reliqua huc pertinen-tia facile disjungi atq; iterum inter se compôni queant, quod ab uno loco in aliem portationi, convenienti thecâ idoneus sit, cum etiam non tot constet partibus atque prior, & hæ cochleolis hinc inde dispositis non saltēm disjunctionem, sed & facile pariter, ut anteà compositionem admittant eandem plane quam prius: Ideoq; hunc Quadrantem Azimuthalem, appellare soleo portatilem.

EXPLICATIO FABRICAE ET VSVS.

U s u s ejus cum priori uniformis est in omnibus iis, quæ per Altitudines ac Azimutha observanda & Geometricè demonstranda, atque hinc in numeros resolvenda veniunt. Sciendum nihilominus, quod hisce duobus Quadrantibus, ubi exactissimam observatio in aliquotā minutū parte requiritur, non nimium esse fidendum: quales sunt illæ, quæ Solaris curriculi restitutioni inserviunt, ubi res circa minima versatur, atque sextæ, vel ad minimūm tertiae partis unius minutū præcisionem requirit; quām tam parva Instrumenta, quæ unum vel sesquialterum cubitum complectuntur, præstare nequeunt. Ideoq; ad majora & talibus magis idonea nunc nos conferamus: quæ non solūm hanc, quæ circa Solem requiritur, subtilitatem, sed & Parallaxum minutissimarum pvestigationem atque discrimina (si qua fuerint) in quovis Cœlesti Phænomeno expedient, tum quoque multa alia in observacionibus tam errantium quām inerrantium stellarum scrupulosissimè pudent. Exempla talium Parallaxum invenient harum rerum cupidi in altero Tomo Progymnasmatum nostrorum Astronomiæ instaurandæ: Ubi tam in priori, quām altera parte de Cometis 7. intra annos 20. elapsos conspectis, diligenter tracto, & eorum Parallaxes, quatenus haberi poterant subtilissimè scrutor, omnesq; in Ætherea Regione longè supra Lunam extitile, Geometricè & infallibiliter demonstro: utut non desint, inter eos, qui ex Aristotelis scholâ prodierunt, qui satis superq; patefactæ veritati, (uti alias etiam in variis hominum opinionibus fieri solet) acquiescere nolint. Sed veritas nihilominus ostendenda. Credant qui agnoscunt & volunt,



SEXTANS ASTRONOMICVS;
PROUT ALTITUDINIBUS
inseruit.



EXPLI

EXPLICATIO FABRICAE ET VSVS.

SEXTANTIS Astronomici Instrumentum usibus apprimè accōmodum ego primus ante annos plus minus 20. excoxitavi, adeoq; hoc nomen ipsi indidi, quod sextam Circuli partem in circumferentia complectatur, observationibus, quæ sic ut plurimum haberi possunt, omnino sufficiens, nec nimia quantitate eas difficiliores reddens; licet alii postea hujus inventionem sibi arrogarint, formæq; variationē non nullam effinxerint, prout plāraq; alia ex meis aliqui in Germania, tum quoq; alibi sibi vendicare non verentur.. Construxi autem successivē tria ejuscemodi (ut de aliis diversimodē idem præstantibus nunc non dicam) Organa, quoad exteriores limbos & pinnacia eodem modo se habentia, quoad contignationes verò intrinsecas; variè, & prout cōmodum fuerit. Hic verò præsens in ipsis, de quibus loquor, contignationibus quām simplicissimus erat, ut pote, paucioribus refertus; Eam enim ob causam à me fabricatus, ut commode disjungi, rursusq; coaptari certis in locis per cochleas posset, atq; cistæ impositus, unā cum suo fulcro, quod pariter in partes distribui queat, in alias Regiones, non saltē maritimo itinere navi (quod tutius foret) sed & terrestri, curru vehi posset, atq; sic Poli Altitudines in variis terris accuratè explorari. Neq; enim solummodō Solis ac siderum intercedenibus; sed & earundē Altitudinibus rimandis, hoc Instrumentum (ut dixi) appositē inservit. Quando autem sublimitates eorundem hoc capienda veniunt, ita ut disponendum, uti præsens figura exhibet. Cujus explanata primū fabrica, postea usum brevibus indicabimus'. Est hic sextans A B C totus undiquaq; Orichalcicis laminis imburus, idq; adeo concinnè, ut ex solido diceres Ori-chalco fusum, nulla apparente combinationis rimula. Habetq; à Centro ad circumferentiam quatuor cubitos. Estq; juxta centrum Cylindrus A, cuius beneficio observationes fiunt interdiate pinnacido inferiori M in Regula A N M. Pinnacodium verò illud, duas habet rimulas, tantū in vicē distantes, quantum Cylindri diameter exigit, ut hinc inde paralleliter fiat observatio, sīdusq; centraliter citra hallucinationem denotetur.. Divisio circumferentia B C & per puncta transversalia, prout alias à nobis fieri cōsuevit, cūm hic modus juxta nostram experientiam omnium sit & aptissimus, & in confiendo facillimus, nulliq; incertitudini obnoxius; veluti is in fine suprà dicti libri de Cometa anni 77. (uti priùs quoq; monui) pleniū explicatur, quem etiam alii postea in Germania sibi attribuerunt, ex quo Wittichius eam apud me conspectam unā cum pinnacidiorum ratione Castellis patefecit, & forte etiam pro sua venditavit.. Notandum verò, quod quando Altitudinis Solis fiat observatio, commodissimum sit, ob exactiorem umbræ discriminationē ipsi Regule juxta sua dioptra & pinnacia applicare oblongum quendam canale quadrilaterū, qui ex levi quadam constat materia, nē suo pondere Regulæ, ejusq; pinnaciis officiat. Relinquat verò is juxta Cylindrum A, tam suprà quām infrā aliquid vacui apertum instar rimæ, quò radii solares, utrinque permeantes umbram Cylindri quadrilateram ab interiori parte inferioris pinnacidi intra quadrilateram, figuram umbræ analogam expressiū ostendant, sitque ob id ibidem aperio quādam canalis, per quam id commode & discretè introspectiatur, prout alias etiam in Solis observationibus, ut luminis & umbræ extremitates promptius pateant, facilitate consuevimus'. Componitur hoc & disjungitur Instrumentum in cochleis quibusdam firmis A B C D L, tūm quoque pluribus in locis per literas hic non repræsentatis'. Sed Arcus ejus unā cum sua subtensa B C non separantur, verū conjuncti semper manent, nē idem Arcus de suæ circumferentia duci exquisito quidpiam remittat. Pedestale insuper habet, cui affigitur, quando Altitudines ejus desumendē (uti hic) quod per E G H exprimitur, cui in rotundo foramine per claviculum juxta D infigitur, & hinc inde motum firmatur tandem inferius apud cochleam G: ubi perpendicularum circa L appositum inferius ad C circa divisionum terminum, indicat latus A B, Horizonti ad amulsum æquidistare.. Est autem L punctum, in quo filium tenue Orichalcicum appendendum venit, medium inter A centrum & B finem circumferentia: sicq; evadit Triangulum isosceles ABC. Nam Circuli semidiametrum & subtensam sextæ patris circumferentia invicem adæquare ex Geometriae rudimentis notum est. Cumq; linea C L cadat orthogonaliter in linem A B, & perpendicularum, linea CL uniatur per adaptationem; necessum erit, hanc Zenith capitū respicere, illam verò horizontis planum; ita ut non minùs hic Instrumenti pro Altitudinibus dispositio exacta confieri queat, quam si integro Quadrante uteremur.. Pedestale autem ejus sive fulcrum est è fermo ligno compositum illa forma qua vides: Interius tamen pro majori parte cavum, ne nimio pondere veatur molestet.. Habet nihilominus, ubi opus est, sua quādam ferramenta hinc inde accommodata: quò à contusionibus & dannis tu-

EXPLICATIO FABRICAE ET VSVS.

tius sit: Et in super adsunt tria oblonga, ex ferreo fulcimina à medio ejus usque in pedis extremitatem, quorum duo per I H indicantur: tertium à posteriori parte latet, quæ per suas et jam cochleas apponi & auferri possunt. Sunt præterea quatuor cochlear chalybeæ, quæ totum Instrumentum sustentant, quarum tres literis H signantur. Quarta ab altera parte non conspicitur. Haec, ut Instrumentum rite & firmiter dirigatur, commoditatem præbent, dum supra quasdam laminulas Metallicas infra positas, ne pondere & acumine subiectum pavimentum inæqualiter premant, circumgyrantur, donec Observator Instrumentum ad planum Circuli alicujus verticalis conformiter dispositum, idq; ex perpendiculo appenso adinvenerit.

Usus ejus est, quando sic tractatur, in omnibus Altitudinibus tam luminarium, quam cæterorum siderum errantium & inerrantium exacte intra tertiam vel quartam minutum pitem dimetiendis; modò sextam Cœli partem non exuperarint. Quin & hic firmato aliter Quadrante, ita videlicet ut A C Zenith respiciat, reliqua pars haberi potest. At solæ Altitudes sic deprehenduntur, non autem simul Azimutha. Talis sextans admodum accommodus est non solummodò Altitudinibus, sed & Distantiis stellarum ad amissim rimandis, neque difficultatem aut incertitudinem aliquam in hac pragmateia fuggerit, cum paucis constet partibus, iisdemq; (uti dixi) inter se firmiter contignatis; ne inter observandum extra debitum tenorem quidpiam in eo distrahatur: unaq; id præstat, (quod & anteā inn. sumus) ut in alia et jam loca non difficeret, & absque laſione atque incommodo transportari queat. Quod in quibusdam Instrumentis, quatenus fieri potest præstandum venit: ne servi locorum situs. Oportet enim Astronomum potius, quam alius Philosophiae partibus deditum κοσμοπλάτην esse, & ubique locorum, prout ficit commoditas vel necessitas suam reputare Patriam.



QVA

QUADRANS MVRALIS
SIVE TICHONICUS.



EXPL

EXPLICATIO FABRICAE ET VSVS.

UA TRANT EM maximum per BD E Chic repræsentatum Muralem sive Tichonicum, à muro cui infigebatur dictum, et jam confieri curavimus, è solido Orichalco fusum & apprime levigatum quinque digitorum in latitudine, crassitudine duorum, qui que in sua Circumferentia tantæ est capacitatibus, quantam radius seu Circuli hemidiameter penè 5. cubitorum postulat. Itaque Gradus habet admodum amulos, adeò ut singula in his Minuta, adhuc in sex portiunculas subdividantur. Ideoq; dena quælibet scrupula secunda discriminatim exhibet: adeò ut semis horum, quina videlicet secunda in his non difficulter discernantur: Eaq; omnia per puncta quædam transversalia, subtilissimè modo nobis usitato signata.

Affigitur hic Quadrans muro cuidam M P Q exactissimè Meridiem suo piano respiciens: Idq; firmissimis cochleis, ut nulla vi aut labore à suo debito situ, qui præordinatus est, ut Quadranti Meridiani Cœlestis ab Horizonte in Zenith ducto, ab opposita tamen parte apprime sit analogus³. Habet in altero muro L M N B, qui priori Orthogonalis est, & Orientem atque Occasum ad amissim respicit, superius, ubi Centrum est Quadrantis, Cylindrum quendam Orichalcicum inauratum, ne aëris injuriis sit obnoxius, aut quidpiam contrahat inquinamenti, qui exhibetur juxta literam A in foramine quodam Quadrato, ejusdem muri, quod exterius aperiri & claudi convenienti janicula potest, ut circa Cylindrum dictum fiat hinc inde collimatio cum sudum fuerit; idq; per pinnacidia sive D sive E. Duo enim habet hic Quadrans, ut quo cunque iubuerit, uti liceat: prout Altitudini mensurandæ magis oportunum fuerit. Et quodlibet eorum Quadratum in piano ad magnitudinem unius palmæ: Cui et jam Cylinder ante dictus sua diametro omnino correspondet, ita ut per rimulas parallelas ipsis pinnaciis applicatas fiat in omnibus quatuor locis collimatio: si & altitudo & transitus per Meridianum simul capienda sunt: Alias si sola desideratur Altitudo, per superiorem & inferiorem rimulam, similesq; Cylindri partes, Observator, qui juxta Fappingitur, negotium absolvit, & numeratam altitudinem alteri studio so, qui juxta G mēsse cum lucerna assidet, libro Observationum inscribendam indicat. Ut verò tempus Observationis atque ipsissimum momentum transitus per Meridianum una constet; Tertius quidam apud H notatus Horologis I & K attendit, quando Observator apud F signū dat, quod etiam temporis momentum ab eo, qui juxta G sedet, libro inscribitur. Horologia autem, de quibus dixi, talia sunt, ut non solum singula Horarum minuta, sed & scrupula earundem secunda, qua fieri potest, præcisione indicent, & æqualitatem revolutionis Cœlestis æmulentur. Quod licet difficulter præstetur, tamen adhibita requisita diligentia quodammodo obtineri potest, & vitium, si quod obrepserit, animadverti & corrigi. Ideoq; duo ad minimum esse oportet horologia ejuscemodi, quod unum alterum emenderet, sicubi opus fuerit. Nos quatuor ejuscemodi in promptu habemus, quorum unum & maximum tribus rotis rem omnem expedit, quarum major è solido & puro Orichalco fusa 1200. habet denticulos. Est enim in diametro duorum cubitorum. Cætera hinc æstimetur. Reliqua tria horologia minora sunt, & pluribus indigent rotulis: horum verò omnium compositionem alias V. D. Dabimus⁴. Quæcunque intra Quadrantis circumferentiam cernuntur picturæ, ornatus solummodo gratia additæ sunt, & ne spatiū interceptum otiosè vacaret: quas etiā brevibus elucidare, licet minus ad rem faciat, non erit usq; adeo inconveniens. Infraliteram Tappicta est mei effigies, sellæ ad mensam positæ assidentis in longa talari veste non nihil se reclinando, ita ut dexteram manum versus Cylindrum, indicanti similem porrigit, altera mensæ juxta librum & quædam alia imponat, quasi sic indicarem meis studiosis, quid observandum sit; & quomodo in usum id redigendum. Hanc effigiem magna solertia expressit Thobias Gemperlinus eximus artifex (quem mecum Augusta Vindelicorum in Daniam olim receperam) idq; tam competenter, ut vix similius dari possit. Est autem secundum staturam & magnitudinem totius corporis equali forma repræsentata. Supra caput juxta X Globus quidam Orichalcicus inauratus efformatur, qui rotulis interiùs solerter adaptatis spōte revolutur, motumq; diurnum æmulatur, & unâ Solis atq; Luna exhibet contraria, curricula è Polis Eclipticæ: adeò ut etiā Luna se unâ secundum faces & illuminationes suas, eas augendo vel minuendo, convertat. Sol autem intra 24. Circulos horarios præter motum propriū, circa Axes Äquatoris cursu diurno revolutus, singulas diei horas una monstrat, cum quoq; tempus ortus & occasus sui, atq; per meridianum utrinq; transitus. Hoc artificiosum ætūdov à me ipso ad inventū, & meis sumptibus constructum, anno Domini 1590. Serenissimo Principi, Domino CHRISTIANO tunc Regi Electo, Domino meo Clementissimo, cùm ante


EXPLICATIO FABRICAE ET VSVS.

annos nimirū 7. circa etatis verò suæ annum 14. me in Insulâ Venetiâ Urâniburgi, adhibitis, secum præter reliquam Nobilitatem Aulicam, tribus Regni Senatoribus primariis, qui tunc gubernationi præfuerunt, clementer invisere non est designatus, submissè dono dedi; quod etiamnum conservat, Serenissimus autem Rex Electus, me vicissim torque aurea, peculiari artificio, qualem gestare tunc solebat, pulchrè elaborata & sua effigie decorata clementer donavit. Supra ipsum Globum, de quo nunc diximus apud literam V Bibliothecæ nostræ aliqua pars repræsentatur. Ad Y verò & Z appendent binæ effigies intra rotundum ambitū solidè efformatae, quarum una est serenissimi & potentissimi illius Regis Danorum Friderici II. laudatissimæ memoriarum; altera serenissimæ Reginæ Sophiæ, ejus conjugis Illustrissimæ, qui me meaq; studia Regio & clementi favore semper prosecuti sunt. Porro quæ in interiori pictura cernuntur, primò superius juxta numeros 1234, sunt aliqua ex Instrumentis meis isthic depicta. Deinde infra hanc contignationem Musæum exhibet. Ubi juxta 5. & 8. mensæ sunt, quibus studiosi mei Astronomici inter calculandum vel alia hic spectantia agendum assidere soliti. Erant autem in ipso Musæo tales mensæ 4. Solebam enim semper ad minimum 6. vel 8. interdum 10. vel 12. tales sustinere studiosos, undecunq; accitos: præter pueros & juniores ejusmodi Discipulos. Intra has mensas cernitur apud 6. 7. post columnam, in medio Musæi rotundi constitutam, Globus ille maximus Orichalcicus 6. pedum in Diametro, quem poste à suo loco exhibebimus & declarabimus. Tandem infra hæc omnia juxta numeros 9. 10. 11. spectatur laboratorium meum Chymicum, quod totum subterraneum & crypticum erat: in quo 15. varii generis & formæ adornaram fornaces Pyronomicas. Nam & huic studio impensè, ab ineunte etiam ætate, non minus quam Astronomico addictus fui; magnaq; diligentia, nec parvis sumptibus id excolui. Ultimo juxta pedes meos apud numerum 12. recumbit Canis quidam è nostris venaticus, qui admodum fidus & sagax erat. Isq; in ea forma & quantitate depictus, qua cernebatur: non tam Nobilitatis, quam sagacitatis & fidelitatis hieroglyphicum. Sicq; picturam universam, quatenus intacta parva forma imitari eam licuit, breviter expositam habes: quam tres diversi & excellentes Artifices mihi depinxerunt. Effigiem meam Augustanus ille, de quo dixi, pictor, Architectonica ista, & quæ his comprehenduntur, Architectus meus Johannes de Embda Srenvvelch effinxerit. Quæ vero supra illa instar descriptionis Regionum & montium, ubi etiam Sol occidere visitur, depicta sunt, Johannes de Antverpia pictor Regius Coronaburgensis apposuit. Quilibet enim ex dictis tribus artificibus in hoc ipso, quod fecerat, præ ceteris excelluit. Demum superius juxta R S est effigiei & totius picturæ inscriptio, prout vides.

Usus hujus maximi Quadrantis est in rimañdis accuratissimè Siderum sublimitatis intra sextam unius minuti partem, collimatione facta per aliquod pinnacidiorum è rimula superiore & inferiore juxta Cylindri utranq; etiam circumferentiam hisce analogam: & numerando ipsam Altitudinem in superficie Quadrantis exteriore apud positum ejusdem pinnacidii. Potest etiam momentum transitus per Meridianum una ab utroque latere, tam pinnacidiorum quam Cylindri haberi inter medianibus horologiis accuratis, de quibus diximus. Quomodo verò ex data Altitudine & momento temporis, quo sidus Meridianum transit, adhibito motu Solis, ejus locus constet, Astronomis notum est. Confusus sum plurimum huic quadranti in restituendo motu Solis ex ejus Altitudinibus Meridianis, intromissa Cylindri umbra quadrata in interiore partem alicujus è pinnaciis in quadrata etiam figura umbram illam ad amissim excipiente & comprehendente. Adhibui nihilominus & alios magnos Quadrantes in consilium, ut res tam subtilis omni erroris suspitione vacaret.

QVA

333
CCCC
QVADRANS VOLVBLIS
AZIMUTHALIS.



EXPLICATIO FABRICAE ET VSVS.


UA D R A N T E M volubilem, qui non solum Altitudines (uti Sextans ante dictus) subtiliter scrutaretur; sed & eodem negotio Azimutha ad unguem panderet, construximus, tali (uti vides) forma. Habetq; is à centro A usq; ad circumferentiam B vel C quatuor cubitos, & circumferentia adeò subtiliter per puncta transversalia subdivisa est, ut quartam unius minuti partem collimatori acuto exhibeat, oculo ad pinnaculum K applicato, & mota Regulâ A K, donec Sydus observandum ad latera Cylindri juxta A hinc inde & qualiter splendeat. Tunc enim Regulâ ubi divisiones transit juxta K altitudinem quæ sitam exhibet. Index verò Q, qui in circumferentiam azimuthalem per R signatam extenditur, unà Azimuthorum momenta patefacit. Contignationes, quæ intra Quadrantis aream cernuntur, sunt propterea in eum modum multifariam dispositæ, ut illum firmiter tam in suo plano quam reliquâ conformatioне debitâ retineant atque conservent. Estq; Limbus, in quo divisiones sunt, Orichalcicis laminis undiquaq; inductus: cum quoque reliquæ Quadrantis partes, partim Chalybeis partim Orichalcicis incrustationibus (prout opus erat) in unitæ. Affixus autem est hic Quadrans firmiter columnæ forti ferrea quadrilateræ L M N, cum quam etiam circumvolvitur facillimè, in qua me cunq; Cœli partem lubuerit. Nam dicta columnæ ferrea superius teres facta, in foramine quodam ferramenti densi, quod decussatim muro rotundo turriculam sive cryptam, in qua Instrumentum conservabatur, efficiente, firmiter adaptatum est; inferius autem, ubi juxta G eadem columnæ in rotundum acumen ex Chalybe definit, ac in pravo foramine pariter acuminato revolvitur; idq; in laminula quadam Chalybea; quæ quatuor extra positis Cochleolis quaque versum opus fuerit, trudi potest, donec Quadrantis utraque perpendicularia circa A incipientia & juxta S desinentia tam planum Quadrantis, quam dorsum ejus, quomodo cunq; circumgyratur, ita dirigant, ut exactè circulum quemvis verticalem representare deprehendatur. Quod cum semel factum est, & circumspicit in varias ac diversas Mundi plagas Quadrantis dispositionibus sedulò provisum, atque Cochleis requisitis firmatum, non opus erit multo tempore perpendicularis attendere, an videlicet Quadrans è sua requisita dispositione dimotus sit. Neq; enim id contingere potest, nisi magna aliqua violentia ex improviso superveniente: tumq; modo antedicto facile restitui potest. Adeò enim firmiter saxo rotundo H, quod solidum existens profunde in terra alio fundamento lapideo immotum insistit: & ferramentum etiam quod decussatim superius extat, de quo dixi muro stabili innitens, non patitur columnam forream, cui Quadrans affigitur, è suo foramine, quod in medio est, quidpiam vacillare.

M U R U S autem is rotundus circuli peripheriam exactè exhibens (eius diameter est circiter cubitorum, quo sic sufficiens spatiū sit inter circumferentiam Quadrantis & concavitatem cryptæ, quo Observator commodè circumire queat) habet supra circulum quendam Mechanicū, laminis Orichalcicis vestitum, in quo omnia totius Horizontis, (cui suo equilibrio correspōdent) Azimutha minutias subdivisa præbet; unaq; immotus persistit Exordiū Azimuthorum, quod à linea meridiei dependet, tanta circūspetione & subtilitate inquisitū, ut nullo minuto Observatorem eludat. Meridiei linea alia, & longè certiore ratione, quam haec tenus à quoqua factum, nobis ex ipsa stella polari, quando præsertim utrinq; à polo maximum Angulū remotionis Horizontalis causatur; atq; tunc quasi in eodem Azimuthi puncto aliquantulum subsistere videtur, ad inventa ratione infallibili & expedita. Quod & opera p̄ pretium erat; siquidem pauca in Observationibus Astronomicis citra Lineas Meridiei accuratissimam cognitionem perficere liceat. Tractandi & observandi ratio in hoc Instrumento talis est, ut in quodecumque sidus Cœlitus denotandum, dirigatur; circumvolvendo planum Quadrantis; & attollendo deprimendoq; ejus regulam cum suis dioptris, donec per rimulas pinnacidiū juxta oculum existentis primū ē superiore sidus illud in superiori etiam Cylindri limbo exactè conspiciatur: atque idem pariter mox fiat per inferiorē rimulam, inferiori etiam limbo attendentī. Sic enim Regula, ubi divisiones abscedit juxta K, altitudinem Astri quæ sitam exactissimē patefaciat. Si verò eadem opera Azimuthū quoque scire animus est, volvatur parumper hinc inde Quadrans per suam columnam, donec idem sidus per utranq; rimulam lateralem juxta planitiam utriusq; lateris Cylindri simul conspiciatur. Tunc enim index Q in circumferentia horizontali una ipissimum pandit Azimuthum. Quoniam verò hæc duo ob Cœli continuum & velocem motum, non facilè simul & semel discernuntur, præstat figere indicem Q in certo aliquo Azimutho, cui sidus appropinquat expectando donec, eo motu universali devolvatur, atque in eodem instanti


EXPLICATIO FABRICAE ET VSVS.

stanti altitudinem mota sursum vel deorsum Regulę dioptrā capiendo: Quod nullo ferè negotio administrari e.

U s u s hujus Organi est, uti aliorū, quæ per Altitudines & Azimutha expeditiuntur. Habet tamen præ alijs hanc prærogativam, quod citra laborem omnia per ipsum exactissimè, & cùtò, adeoq; intra quartam minuti partem consequi liceat. Quod prioribus, cùm ob parvitatem, cùm etiam structuram non adeò concinnam & usui facilem, denegatum est. Quare hanc fabricæ rationem Astronomus sibi quam maximè commendatam habeat: Quod verò commodius tam inter observandum quam numerandum Instrumento uti liceat, Gradius per T repræsentati circumquaque ascendunt, pari sermè cum ipso Quadrantis ductu, ita ut stans in supremo Gradu observare queat Astrum circa Horizontem constitutum: juxta infimum verò sedens, ea quæ propè verticem, atque sic de intermediis. Tegitur insuper hoc Instrumentum cum sua turricula cryptica, tecto quodam è levigatis asserculis affabré composito, quod inferiùs muro Horizontali extra Azimuthalem circulum, Armillæ cùdám rotundæ è forti ligno adhæret. Habet autem ea Armilla recte intra se apud 4. transversalia loca rorulas quasdam, quibus minimo negotio in circumferentiam Horizontis quaqua versum lubeat, circumduci potest. Atque sic fenestras oblongas, quas tectum habet, etiam ex Asserculis factas; quæ ex opposito ad invicem sunt, in quodvis sidus observandum facile diri gerelicit. Quæ fenestræ peracta observatione clauduntur, ut immune sit Instrumentum ab injuria Aëris, pluviarum ac ventorum. Quod etiam in cæteris machinis, quamcumque ratione fieri poterit, cavendum est. Hæ enim magno constant, & facile detimento obnoxiae redduntur, nisi à violentiis & Elementaribus inquinamentis ac mutationibus tutæ reddantur.



QVADRANS MAGNVS CHALI-
BEUS, IN QUADRATO ETIAM CHALIBEO
compræhensus unaq; Azimu-
thalis.



EXPLI-

EXPLICATIO FABRICAE ET VSVS.

QUIN & hic Quadrans è solido totaliter constans Chalybe & Quadrato insuper Chalybeo circundatus eadem præstat atque antecedens; immò adhuc subtilius; cum magnitudine suâ illum nonnihil excedat. Habet enim à centro ad circumferentiam fermè quinque cubitos, præter Quadratum et jam è solido constans Chalybe, quod illum ambit. Ipse verò Quadrans ab eâ parte, qua divisiones sunt, Orichalcica laminâ adeò affabré inductus est, ut quis hanc ferro conglutinatam putaret: idq; propterea, quod Orichalcum subtile divisiones rectius sustineat, quam Chalybs, utrū satis levigatus sit, nec rubiginis ita obnoxius. Subdividuntur autem singuli Gradus, non saltu in singula minuta, sed & quodlibet horum in sex particulas; ita ut dena repræsentet secunda, idq; peculiari ratione nobis aliás usirata. Quadratum, quod Quadrantem circumit, Orichalco quidem non est inductum, eò quod rarius hujus sit usus, exhibente ipso Quadrante satis præcisè id quod quæritur, ut Quadrato fulciminis, & commodioris convolutionis gratia cum comprehendente, etiam si nullus ejus aliás foret usus'. Attamen & hoc in ipso Chalybe quam subtilissimè divisum est, nostra quoque peculiari ratione, ita ut quodlibet ejus laterum, quæ circumferentiam Quadrantis ambiunt, tam quod Horizontem D C quam Zenith B C respicit, canonis sinuum ultimum numerum 6. Ziphrarum comprehendat; & regula à centro per totum planum ducta, tam in Quadrante quam Quadrato altitudinem petitam inter observandum demonstret: isthic per Graduum & qualitatem; hic verò secundum sinuum & Triangulorum rationem Geometricam, & nihilominus res utrobiq; in unum & idem redit. Per Quadrantem verò intelligitur A G M E. Per Quadratum ABCD. Per Regulam A PQ, quæ etiam pinnaculum & dioptra apud P. habet, tūm quoque Cylindrum juxta centrum A, Eādem ratione prout in prioribus. Potest etiam pars Regulae P Q, quæ Quadrantem excedit, in tantum, ut Quadrati Angulum à centro remotissimum attingat, addi vel adimi, prout lubuerit. Porro habet hoc Instrumentum sua quoque sustentacula ac contignationes fulcri & stabilitatis loco, pauciora tamen quam antecedens, siquidem totum sit metallicum, & ne nimis horum pondere aggravetur, cum & ipsæ quasi costæ per literas G H N O, & E K L M, decussatim se transeuntes è solido constent Chalibe, totumque Quadratum unà cum comprehenso Quadrante in suo plano & justa dispositione, firmiter contineant. Quin & hic Quadrans una cum suo Quadrato columnæ ferreæ admodum robustæ juxta X & Y affigitur, cum qua etiam commodè & facillimè in omnes Cœli partes convolvitur. Gyratur enim columna illa superius in rotundo foramine, quod in medio est ferramentorum A literis indicatorum, transversim in muro cryptæ firmiter dispositorum, inferius in ferrea lamina prope Y eodem modo, quo in antecedente dictu, ut isthic per cochleas quadrifariam dispositas totum Instrumentum ritè ad usum adaptari queat, unaq; in sua convolutione firmiter contineri, nē ultra planum requisitum divellatur. Sec & lamina, de qua dixi, cum suis cochleis columnæ rotundæ lapidea per B indicatae infigitur, quæ & totam sustinet machinam, atque profundè ipsi terræ in alia quoque basi lapidea infistit. Habet quoque hoc ipsum Instrumentum, in muro crypto circumcirca tereti suum etiam Horizontem Azimuthalem T V VV totum Orichalco inductum & in medio quasi muri positum, quod Observator stans in superiori Gradu (Nam & hoc Instrumentum suos Gradus cœmentitios, per quos ascendendum ac descendendum, prout observatio requirit, obtinet & sua magnitudine exigit) Azimutha, quæ per indices utrinque R & S promuntur, numerare queat. Diameter hujus Horizontis Azimuthalis tantus est, ut circum circa ultra totum Quadrantem, ipsumq; Quadratum & intra hunc transire liceat: Ideoq; in sua Diametro 9 cubitos adæquat. Estq; per se totum hoc Organum adeò firmiter dispositum & cochleis munitum, ut semel rectè ordinatum vim roboris humani, ut loco dimovatur, non facile extimescat. Atque hæc de Instrumenti hujus Fabrica & dispositio- ne; quod etiam totum in superiore muri parte tecto quodam, succinctè elaborato ab aëris injuria protegitur. Hoc etiam tectum suas habet fenestras, quæ aperiri possunt, & rotulis tectum portantibus in quasvis Mundi plagas circumagi; prout requirit observatio, simulq; claudi, dum Instrumentum ritè adaptatur, ne ventus perpendiculari ejus juxta D à naturali tramite per violentiam dimoveat, & insuper, quando nullus est Instrumenti usus, ut ipsum ab injuria imbrium & ventorum protegat. Atque hæc quoad tectum, in priori etiam Quadrante effecta sunt, prout ibi diximus.

Usus ejus cum priori idem est in capiendis & numerandis tam altitudinibus quam

EXPLICATIO FABRICAE ET VSVS.


Azimuthis; & quatenus hæc Astronomiæ inserviunt, veluti antè indicatum. Verùm hic Quadrans cum suo adjuncto Quadrato, cùm non solum totus Metallicus sit, & priorem magnitudine excedat, adhuc paulò exactius quām is, tam Altitudines quām Azimutha manifestat; ita ut in sexta etiam minuti parte hæc per eum rimari detur, ubi potissimum tanta requiritur præcisio, prout in Solari motu ex Altitudine & Declinatione ejus perscrutando operæ pretium est.

Addam verò & hoc Colophonis loco, quod hisce duobus Quadrantibus, antecedente nimirum volubili, & hoc Chalibeo etiam convolubili, adhibito unā in consilium Quadrante maximo Orichalcico Murali sive Tychonico (de quo postea præcipue confisi fuerimus in Declinationibus Solis ad amissim pervestigandis, ut hinc ejus locus, totumq; curriculum, sine errore restitueretur). Idem quoque in Declinationibus Stellarum, quando Meridianum transibant, subtiliter rimandis, ubi præcisione summa opus erat, facti avimus. Hæc enim in tria ingentia Instrumenta rite disposita, atque usui adaptata, eandem etiam in exiguis minuti particulis præbebant Altitudinem, atque unā in idem ubiq; consentiebant. Quibus etiam Sextantes & alia Instrumenta unā adhibita testimonium ferebant.



SEMI-

SEMICIRCVLVS MAGNVS
AZIMUTHALIS.



EXPLI-

EXPLICATIO FABRICAE ET VSUS.


X COGITAVIMUS & aliud quoddam Instrumentum Altitudinibus unà cum Azimuthis ad amissim capiendis idoneum, cuius formam præcedens indicat figura. Placuit autem integrum Semicirculum ABC loco Quadrantis hic assuaniere, & nihilominus juxta Diametri AC apud A, centrum Divisionum constitueret, eò quod sic singuli gradus in ambitu Semicirculi duplo maiores evadant, quām si ex centro ejusdem dispartitio fiat. Notum enim est ex Elementis Euclideis angulum à centro circuli ad circumferentiam duplo majorem esse eo, qui à circumferentia in hanc ipsam ducitur juxta propositionem vicesimam libri tertii, & eas quæ præterea huc conducent. In medio hujus à centro D usque in supremum apicem B canalis quidam est Quadratus oblongus, intra quem perpendicularum, cuius plumbum in foramine D cum aliqua parte fili Orichalcici, monstrat, quando Instrumentum perpendiculariter erectum sit; ita ut piano semicirculi verticalis, omnino corraspondeat. Contignationes vero, quæ hinc inde ab utraq; parte in formani Arcuū yisuntur, stabilimenti saltē loco adhibitæ sunt, ut vastum hunc semicirculum in suo piano & circulari ductu firmiter contineant. Habet enim is in Diametro A C sex cubitos'. Regula vero YA V ipsi applicata tantam habet longitudinem ab A in V, quanta est semicirculi diameter: & insuper prominentiam A Y paulo crassiorem ut eo commodiùs quasi in æquilibrio Regula attolli, deprimi; possit: cuius etiam gratia duo manubriae solidi Metallo apud Y addita sunt. Ab altera vero ejus parte plumam cum cochleā habet juxta X, ubi in Quadrante parvo NO coercetur, ut in loco statu, ubique lubuerit, permaneat Regula, donec numerata fuerit altitudo, in quacunq; limbi hujus semicirculi parte ea tunc transierit. Est etiam hoc semicirculare Instrumentum undiquaq; Orichalcicis laminis, prout opus est, inductum, & habet superius tres imagines affabré in solidō ligno artificiosè exsculptas, atque ita dispositas in suis isthie pedestalibus, ut in figurā appareat: idque tam ornatus gratiā, quām ut aliquid etiam suā representatione hyeroglyphicē moneant. Est enim suprema omnium, ipsius Uraniæ in Astronomiā hyeroglyphicum. Virgo est decora & formosa, facie in Cœlum sublata Astra intuens, ac dexterā manu Sphæram Cœlestiū revolutionum attollens, sinistra rapiens ea, quæ ambæ inferiores atque subtus stantes, tanquam pedis leqq; porrigunt. Color tunicae ejus est Cæruleus, aureis stellulis intertextus, & fimbriis argenteis. Quæ vero à sinistro latere subsistit, Geometriæ Icon est: habens in dextera manu triangulum, quem versus Astronomiam attollit; in altera vero Circinum: Quibus innuere vult, se per commensurationem & fabricas mæchanicas; tum quoq; Triangulorum eruditam scientiam Astronomiæ inservire. Hæc oculos in vulturum Uraniæ dirigit, eamq; venerabūda suspicit. Color vestis ejus est subfuscus, viridi intertextus: quod à terrestribus denominationem habeat. In capite sertum gerit laureum, quo ostendit, se semper durare, & veritatis intemeratae capacem esse. Ab altera parte, dextera nimirum subsistens virgo, Aritmethicam refert; quæ etiam Astronomiam suspiciens, honorat, eidemq; inservit. Habet hæc in altera manu cretam, altera tabellam; significans, se numeros exprimere; quibus Astronomia, ut cognitioni pateat, opus habet: eaque in quantitates discretas resolvere, quæ prior Geometria continua expediebat. Habet & hæc superius in capite sertum laureū; cùm non minùs quām Geometria perpetua & verax sit. Color vestis ast albus, papirum vel membranas referens; hinc inde variis zyphris consignatus'. Atque hæc omnia, ut & ornaretur Instrumentum, simulq; indicaretur, Astronomiam omnium liberalium Artium supremam & quasi Reginam hæc duas, Geometriam & Aritmethicam tanquam ministras, præ cætris, omnibus (licet & alias non negligat) sibi adscivisse. Infra hunc Semicirculum est Horizon Azimuthalis E F I G H quatuor cubitos in dimetiente habens, èq; solidō chalybe cōstans & superius in suos Gradus, eorundemq; portiunculas aptè distributus. Habetq; in medio duo fortia ferramenta, decussatim sese in centro D intersecantia, circa quod etiam totum Instrumentum circumgyratur, appositis ab altera parte sustentaculis ferreis, quæ illud perpetuò Horizonti ad angulos rectos contineant. Infra Horizontem ferreum sunt quinq; columnæ, quarum media per Q indicata in meditullio infra centrum consistit, reliquæ quatuor literis P notatae circumferentiam æqualiter & quadrifariam distantes portant. Habent insuper omnes quinque superius quasdam peculiares cochleas, perennes nuncupatas, literisq; R signatas'. Quod etiam in cæteris subintelligendum; quæ per parva manubria S T hinc inde circumducta sursum vel deorsum truduntur, donec cærculus Azimuthalis iis innitens Horizontis æquilibrium exactè imitetur; & semicirculus superstans planum alicujus verticalis'. Possunt enim hæ cochleæ gravissimum pondus minimo negotio attollere vel etiam deprimere, plurimamq; alias habent in Mæchanicis cōmoditatem.

EXPLICATIO FABRICAE ET VSUS.

U s u s Instrumenti ex ipsa fabrica satis patet: estq; idem cum iis, quæ alias per Azimutha & Altitudines colliguntur: nisi quòd hic in Semicirculo idem efficitur & numeratur, quod isthic in Quadrantibus aut Regulis Azimuthalibus, de quibus postea agemus. Indicabo verò & hoc, quod cùm anteā Quadrans iste chalibeus Quadrato inclusus (de quo in proximè antecedentis figuræ explicatione egimus) ab initio, ut Chalybeo Horizonti, inferiore sui parte insisteret, atque in eo circumduceretur. Quemadmodum in alia figura, hic tamen non exposita exprimi curavimus'. Visum postea est consultiūs, eum tali ratione (prout antecedens ostendit figura) ab hoc Horizontali fulcro exemptum circumrotare, eō, quòd nimis suo pondere (cùm totus sit, uti dictum, chalybeus) nimis compressè & fortiter Horizonti incumberet. Ideoq; difficillimè circumagi posset, tota machina non cōmota aut treviscente. Potest nihilominus & sic ejus institui administratio: tumq; nullo rotundo muro circumquaque opus est pro Circulo Azimuthali: uti neque ferramentis superiūs & inferiūs, veluti in præcedente. Dabimus for- tè aliquando & hujus dispositionis Icona una cum sua explicatione: licet antecedens ratio longè expeditior & certior existat.



INSTRUMENTVM PA-
RALLATICVM SIVE
Regularum.



EXPL

EXPLICATIO FABRICAE ET VSVS.



INSTRUMENTUM hoc Parallaticum, quod alias Regulas vocant Ptolemaicas, et jam confidere lubuit, siquidem paucis requisitis, tribus nimirum regulis Distantia stellarum à vertice; ideoq; & harum altitudines succinctè metitur. Accepi autem ejusmodi é lignâ saltē materia totaliter constans, quod olim fuerat incomparabilis illius Copernici; adeoque ipsius manibus (uti dicebatur) elaboratum quod mihi dono missum est à Domino Johanne Hannovio, Canonico Warmiensi, ubi antea vixerat Copernicus. Cum anno 1584. quendam è studiis meis in exercitiis Astronomicis mihi inservientibus cum Sextante ad instar ejus, qui tertio loco superius elucidatus est, eò ablegasset, ut Elevationem Poli, qui Warmiae est, exactissimè, hoc intermediante dimetiretur. Suspicabar enim tria proximè minuta in Copernici circa hanc observatione desiderari; de quo motus Solis, & Ecclipticæ obliquitas maxima aliter se habentia, quām ipsius suppeditant numeri, me commonefecerunt. Quod & ipsa experientia, ita se habere comprobavit. Inventa est enim meo Organo ex plurimis tam ad fixas quām Solem habitis animadversionibus, Poli isthic sublimitas partium 54. M. 22¹. Ut latius à nobis in Progymnasmatum Astronomicorum Tomo primo pagina 34. & sequenti demonstratum est: quo in loco causas lapsus Copernici in motu Solis honritè ab ipso redintegrato ostendo. Præsupposuit verò Copernicus ejus loci Latitudinem ex suâ observatione part: 54. M. 19². Deficiunt igitur apud ipsum ab exacta norma 3, minuta minus $\frac{1}{2}$. planè anteà ex ipsius Dedomenis & superstructis numeris circa Solarem motum colligebamus. Reversus autem ad me Studiosus ille meus, non saltē sextantem, quem tradideram, omni parte illæsum reportavit, sed hoc alterum Copernicum Parallaticum mihi ab eo, dē quo dixi, Canonicō, dono missum attulit. Quod, quām primum conspexi, ut ut lignum esset, atque usui inhabile; ita tamen placuit ob memoriam tanti artificis, à quo conjectum ferrebatur, ut me continere nequiverim, quin actutum Heroicum Carmen, quod in Epistolarum Astronomicarum Tomo nostro primo pag. 295. atque sequenti reperitur, concinnarem. Quin & paulò pōst ad ejus imitationem quoddam aliud Orichalcicis laminis inductū conficeri feci, paucis quibusdam commodioris Usus gratia mutatis & superadditis: quale hoc est, quod hic repræsentatur. Suntq; tres regulæ D E. & E F. & F D. quarum prima qua versus Zenith attollitur E D, habet superius aliam juxta D sibi associatam, atque in tereti O- richalco convolubilem. Suntq; ambæ ejusdem longitudinis, nempe quælibet quatuor cūbitorum, modò superioris longitudo capiatur à litera D in F. Quæ enim pars productior est, nimirum F G, saltē ob id additur, ut aliam oblongiorem regulā intra se contineat & coēr- ceat. Nam est bifurcata. Tertia verò regula E H quæ longior est, & pariter juxta E priori D E annexitur, et jam ibi convolubilis; eam habet longitudinem, quæ requiritur, quando bina latera D E & E F angulum rectum comprehendunt: ubi nimirum regula D F ita subla- ta est, ut Horizontis æquilibrium respiciat. Dioptræ autem, per quas Siderum collimatio fit, sunt in eadem regulajuxta H & I, atque per rimulas priori pinnacido parallelas suprà & infrá, modo à nobis invento rem expediunt. In Coperniceo Instrumento erant loco horū foramina, per quæ stellæ difficillimè visuntur. Accedit & hoc disconvenientia, quod anterius foramen in pinnacido I constitutum, amplius altero esse oporteat, si stellæ per illud commodè conspicienda sunt: Cumq; hoc dat, aliquotam partem unius Gradus occupet, necesse est, ut pote ad minimum octavam vel decimam partem. Ignoratur autem inter- observandum, an stella exactè in foraminis ejus Centro conspiciatur nec né: atq; sic aliquot minutorum jaētura admitti potest; ut mirum sit, quomodo non solum Copernicus; sed & veteres, qui talibus utebantur dioptris, aliquid certi, etiamsi cætera testè se haberent, sic af- sequi potuerint. Divisiones æquales in regula sunt oblongiore per puncta transversalia; uti nobis moris est, designata: Suntq; tot, ut ultimum numerum Canonis finuum, sex zyphrarū requisito loco, nempe in eo, qui primis duabus Regulis adæquatatur, ut fiat Triangulum æ- quilaterum, adimpleant. Notandum insuper, Regulam D K, quæ verticem respicit, interiùs cavitatem quandam obtinere, in qua filum tenue Orichalcicum à superiore parte de- pendens, inferiùs juxta K plumbeolum habet, né à vento filum, quod interiùs sustinet, ad- moveatur. Nam & janiculæ oblongæ apud hanc cavitatem additæ sunt, quæ aperiri & claudi possunt, prout opus fuerit in eum (de quo dixi) usum. Quod in convenienti signatura isthic addita, monstrat, quando latus D E exactissimè verticem respicit. Idq; ita effici pos- sent, per cochleas inferiores ad A in pedestali, quæ ferreolis in L circumgyrantur. Inhærent enim haec tres Regulæ columnæ C B, quæ dicto pedestali insistunt, ita ut rotundis claviculis


EXPLICATIO FABRICAE ET VSVS.

hic inde convolvi queant. Quam commoditatem, quoad fulcra, ego huic Instrumento addidi. In Coperniceo enim non erat. Addidi etiam plumulam, quæ est juxta G, efficientem, ut in quovis angulo observato quiescat regula A F, donec in latere longioris numeratio perfecta sit. Applicavi & alia quædam commodioris usus & tractationis gratiâ: quæ singula commemorare supersedeo; ne videar Antecessorum inventa nimis corrigendo elevare.

Usus hujus Parallatici est in capiendis Distantijs siderum à vertice, prout Ptolemæus in Lunâ ut plurimum factitavit, præsertim propter ejus latitudinem maximam exquirendam: licet id ipsum non satis subtiliter neq; universaliter assecutus sit; veluti patet ex ijs quæ nos Progymnasmatum supra dicto Tomo cap. 1. circa Lunæ orbitam in appendice quadam restituimus. Ubi ex accuratis observationibus indicatum est, latitudinem Lunæ maximam, quæ contingit in plenilunij s, non eandem esse, quæ in Quadraturis; notabili intercedente differentia, utpote, quæ tertiam Gradus partem attingat: prout isthic latius per suas circumstantias & occasiones videre est. Angulus autem distantiarum à vertice FD E haberipotest ex Canone secundo aut etiam Sinuum intermediateibus partibus FE. Dantur enim in Triangulo duo æqualia latera FD & ED. Tertium vero FE in regula longiore perfecta observatione numeratur. Quare angulus FD E latere non potest, qui remotionem Sideris à Zenith metitur. Ejus vero complementum ad Quadrantem est altitudo quæsita. Hæ Regulæ & hoc commoditaris, ut facili negotio resolvi & complicari queant, atq; in quævis loca transportari. Verum, ut dicam id quod res est, eam præcisionem & certitudinem satis constanter non præbent, qualicunq; tandem diligentia elaborata, quam Quadrantes antedicti. Difficillime enim Regulæ lineæ rectæ amissim diu retinent. Et si longiores fuerint, suo pondere se inde reclinant. Si breviores, id quod pollicentur sua parvitate præstare, nequeunt.



PARALLATICVM ALIVD; SIVE
REGULÆ TAM ALTITUDINES QUAM
Azimutha expedientes.



C,

EXPLI-

EXPLICATIO FABRICAE ET VSVS.

Deo verò anni aliquot anteā alias Regulas in Turri quadam extruxeram, eam totam suā circumgyratione, quando opus erat, adimplentes. Idq; peculiari quādam ratione, partim Hipparchianum vetustissimum (ut fertur) modum imitante; partim verò novis additionibus à me ipso excogitatis stabiliōri & commodiori usui destinatas: quarum structuram sequens repräsentat figura: in quā AD intelligatur prima & fundamentalis regula ad Horizontis planum disposita, & prout opus fuerit, revoluta: quæ sua longitudine 8½ cubitos adæquat: Continetq; in superiori sua superficie canonis sinuum numeros artificialiter per puncta transversalia meo more divisus, sex Zephyrarum, bis numeratos'. Huic adæquantur binæ aliae regulæ simul sumptæ: cùm videlicet eidem applicantur: nempé A B & BC, quarum quælibet 4½ cubitos in longitudine continet. Annectitur verò prior AB principio longioris juxta A, ita ut in eo attolli deprimiq; possit, simulq; secum trahere posteriorem BC eidem juxta B convolubiliter affixo. In hisce autem duabus minoribus regulis nullæ sunt divisiones, sed prior saltē A B habet dioptras & pinnacida, per quæ collimatio fit, rimulis in inferiori pinnacido juxta oculum ad E; ulteriori ad F, undiquaq; parallelis: ut tam in Altitudinibus quam azimuthis quaquā versum circa hæc fiat collineatio. Omnes autem hæ tres Regulæ ubique Orichalcicæ sunt, subtilissimè levigatae & expolitæ, quadrilateram justâ magnitudine, nè incurvationi obnoxiae sint, obtinentes formam. Ut verò commodiūs, quoad duas superiores, attolli remitti-que possint, additum est illis extans quædam sustentaculum per L NOP indicatum, quod etiam inferius suum habet fulcimentum, repräsentatum per PVZ. Juxta V verò est Cochlea, quæ ipsum fulcimentum in substructō totius Instrumenti basimento (de quo postea) ad W circularem laminam undiquaq; dirigit, nè suo se pondere aggravet. Extans autem versus Zenith structura id habet commodi, ut regulas supremas (prout dixi) attoliat, easdem que pro libito remittat unaq; in suo plano, ne hinc inde distrahanter, coérceat. Attolluntur autem & remittuntur intermediaente funiculo KLN M, qui superius juxta LN rotulam habet in quā aptē trahitur: idemq; primæ regulæ annectitur juxta K, ubi supposita metallica figuratio, quæ in clavo rotundo convolvitur, adeò interius patens est, ut pinnacidum ad E ex oculo juxta dioptram E undiquaq; nullo obstaculo discerni queat. Habet & hoc commodi ut per perpendicularum, quod in Q desinit, Instrumentum situm examinet: an videlicet AD Horizontem exactè respicit: LNPO eidem sit Orthogonaliss'. Quamvis id ipsum quoque ex perpendiculari BR scrutari liteat. Debet enim id ubiq; intermedium esse A & C. Porrò quo commodiōs attollantur Regulæ, atque in statu loco (prout lubuerit) quiescant, tūm quoque, ne hinc inde vacillent, sed idem planum cum inferiori & longiori substantia ubiq; retineant: quomodo cunq; sursum vel deorsum agantur. Additi sunt illis utrinque duo Quadrantes IHG, intra quos prior Regula continetur & movetur, appositâ plumula tenaci juxta H, suntq; hi Quadrantes Orichalcicis laminis undiquaq; inducti. Habetq; à centro A usque in circumferentiam I ferè tres cubitos'. Demum ubi Divisiones peracta observatione juxta C exempli loco numerandæ sunt, acutissimè per chalybeum indicem isthic indicantur, ut utrinq; juxta C plumulæ sunt chalibez, quæ etiam in continendo regulam BC nè sua gravitate recidat, juvare.

Præterea fulcrum sive basimentum (de quo anteā dixi) in quo totum Instrumentum ab una parte, præsertim posteriore quiescit, & circumgyratur, Per XW intelligendum erit, in quo superius juxta T cochlea est perennis, instar earum de quibus anteā in Instrumento semicirculari dixi, quæ per manubrium ad T sublata & depressa, totum quoque hoc Organum ritè dirigit; ita ut inferior & lōgissima Regula Horizontis planō exactè corresponteat, planeq; conveniat. Tandem etiam extima Regulæ pars D muro circulari incumbit, qui per literas Y exprimitur: Habetq; sub se in eodem Muro fimo circulum azimuthalem Orichalcicum, convenienter subdivisum, & superficie Horizontis analogum, corresponden-temq; Altitudini, quæ est prioris basimenti: Estq; in Diametro duodecimo cubitorum..

Uſus totius Instrumenti est is, ut illius beneficio tam Altitudines (per ipsas nimirum Regulas, ubi videlicet infimam attingit) pandat; quam ipsa azimutha, ubi ejusdem extremitas prope indicem apud D, azimuthalem Herizontem stringit & notat. Altitudines verò sic habentur: Cūm ambo latera duarum regularum AB & BC æqualia sint, tertiumq; AC secundum Observationem & numerationem constet: ignorari nequit, Angulus BAC, Altitudinem quæsitam exhibens'. Idem alia ratione perficitur, si numeretur, ubi perpendiculari BR inferiorem regulam in suis divisionibus attingit, factio initio ab A. Tunc enim da-


EXPLICATIO FABRICAE ET VSUS.

datur Triangulum rectangulum; cuius unum latus cognitum ex structura, alterum numeratum secundum Observationem. Quare angulus ad A, qui quærebatur, ignorari nequit. Quorsum verò Altitudines & Azimutha pertineant, è pragmatica Astronomica discendum, prout antea insinuavimus.

Hoc Instrumentum ob quantitatem & longitudinem priores Regulas excedens, præcisiùs omnia exhibet, magisq; stabile & usui aptum est: præsertim quoad Altitudines ca- iendas'. In Azimuthis enim unà rimandis aliquà subest difficultas ob ipsam Instrumenti magnitudinem & molem. Quæ tamen adhibita aliquali diligentia præcaveri potest: ita ut in- ferior Regula ante Observationem collocetur, & figuratur immobilis incerto aliquo azi- mutho, versus quod sidus observandum vergit: & tunc apud perpendicularia provideatur, antequam Altitudo accipitur; ut omnia rite disposita sint, tam secundum æquili- brium Horizontis, quam planum verticale. Tunc enim & Altitudo & Azimuthum circa errorem sensibilem deponi hoc Instru- mento poterint, non minus quam Quadranti- bus maximis superius ex- planatis'.



ARMILLÆ ZODIACALES.



EXPLI-

EXPLICATIO FABRICAE ET VSVS.



R G A N A antecedentia eò potissimum spectant, ut Altitudines, & Azimutha sive seorsim, sive conjunctim, iis Cœlitus obseruentur. Quia verò horū in usum Astronomicum deductio præcipuā ex parte calculo indiget Triangulorum, non omnibus facilè obvio, & per se quibusdam laborem effugientibus rædioſo, excogitatae sunt aliae machinæ, quibus stellarum longitudines & latitudines, quæ duo principaliter inquiruntur, minimo negotio & absque molesta calculatione haberiqueunt; inter quæ, duo præcipue veteribus in usu fuisse comperio; quorum unum Armillare Instrumentum appellabant, quod Hipparcho & Ptolemaeo in usu erat. Ideoq; ab iis denominationem sortitum. Alterum Torquetum dictum est, ab Arabibus aut Chaldaeis (uti existim) excogitatum Organum, iuscq; usurpatum. Idq; in planis superficiebus circularibus idem præstat, quod prius in Armillis. Hoc autem posterius, nec dum confieri volui, quia..., si machina requisitam habeat magnitudinem, suo se pondere aggravet, atque usui inhabilis sit. Cujus nihilominus fabrica, si quis desiderat, Opus Astronomicum Casareum Appiani circa finem consulat, sive Schöneri libellum de eodem, Observationibus Clementiss. viri Regiomontani, atque ipsius discipuli Walteri civis Norinbergensis præfixum. Ibi voti compos reddetur. Armillare verò jamdudum confici curavi Instrumentum, in quo nonnulla ab Hipparcho & Ptolemeo usurpata certioris commoditatis gratiâ immutavi: Cujus Ideam hic conspicis. Constat hoc Instrumentum quatuor saltē Armillis circularibus (cùm prædecessores quinque vel sex adhibuerint) quarum prima E B G N H Meridianum representat. Debetq; disponi ut Cœlesti sit analoga. In qua juxta CD poli sunt æquatoris, qui attolluntur deprimunturq; donec latitudini ejus loci, in quo sit Observatio exactè corresponteant. Quod per perpendicularum BS exploratur appensum superius juxta Zenith, ubi divisio Meridiani complementum habet Altitudinis Poli, & tantundem etiam inferius a Polo altero removetur. Continet autem hic Meridianis omnes alias intra se Armillas: quarum prima est CFIH, Zodiacalementerā POQN transversim portans, cujus Poli sunt apud IK, tantum distantes à prius dictis æquinoctialibus, quanta est differentia Polorum Ecclipticæ & Äquatoris, sive maxima Zodiaci Declinatio, quam nos aliquoties exactissimè drehendimus nunc esse partium 23. M. 31 $\frac{1}{2}$ paulò aliter quam prædecessores*. Per Polos autem hujus Zodiaci transit canalis teres IAK Orichalcicus, habens juxta centrum A Cylindrum; quibus nobis integræ Armillæ veteribus usurpatæ, commoditas suppletur. Quin & alia Armilla latitudinibus inserviens circa eosdem Polos Zodiaci, intra tamen hunc convolvitur, per KLRM indicata. Habet insuper ipsa Zodiaca Armilla sua 4. pinnacidia rimosa, more nobis consueto, quorum tria conspicuntur juxta literas Q, Quartum later. Quin & Armilla latitudinum quoque 4. ejusmodi habet, juxta R, ubi quartum etiam tegitur. Suntq; omnia pinnacidia Orichalcica: quemadmodum & omnes Armille Orichalco sunt inducta & Divisiones habent Graduum in parte exteriori per puncta transversalia nobis usitata factas. Ipse verò Meridianus ex solidō constat Chalybe, ut eō firmius interiores Armillas sustineat. Habet autem in Diametro tres cubitos. Hinc interiorum & contiguarum quantitatem colligere licet. Deinde pedestale ex solidō ferro denso confectum habent hæ Armillæ, quibus totaliter innituntur, quod literis VTDWYZ indicatur. Ubi juxta S foramen est, pro plumbo perpendiculari. In inferiori autem parte hujus pedestalis b circulum ferreum in quatuor æquidistantibus locis transeuntes quæ supra quatuor columnas lapideas laminulis ferreis multitas ad totum Instrumentum ita attollere & deprimere possunt, ut Armillæ ejus omnes Cœlestibus circulis iisdem representatis ad amissim in suis planis & ductibus corresponteant. Quin & quatuor fulca X otiam ferrea addita sunt, ne hinc inde ob magnitudinem vacillet pedestale uneq; totum Instrumentum. Additi insuper sunt gradus d per quos ascenditur ubi opus fuerit, inter observandum aut numerandum. Requirit etiam hoc Instrumentum peculiarem turriculam, cuius rectum dimidia sui parte inter observandum auferri queat, & reliqua pars, prout lumen buerit, circumgyrari.

Usus harum Armillarum est, ut & aliarum Ptolemaicarum, in capiendis nimirum siderum longitudinibus & latitudinibus*. Requirit autem hoc duos observatores; quorum unus quodlibet pinnacidiū in Armilla Zodiaca loco longitudinis alicujus fixæ notæ firmatum per rimulas utrasq; eandem fixam juxta Axem IK hinc inde intuetur, unaq; omnes Armillas sic firmiter continet: ut planum Ecclipticæ Armillaris cœlesti omnimodè congruat. Interim movet alter observator quocunque è cæteris pinnacidiis, in Zodiaco, prout lu-

EXPLICATIO FABRICAE ET VSVS.


illi Sideri, cuius longitudinem inquirere satagit, maximè commodum fuerit: donec pariter per utranque rimulam juxta dictum axem Sidus illud exactè conspicit: tunc enim locus ejusdem pinnacidii in Zodiacali Armilla numeratus longitudinem quæ sitam pandit. Porro pro latitudine deducenda est Armilla latitudinum ad eandem Ecclipticæ longitudinem, quam sidus habere depræhensum est, & moventum mox aliquod ex ejusdem pinnaciis sursum vel deorsum, donec juxta Cylindrum ad Astrum illud tam suprà quam infrà, utraque rimula conspiciatur. Monstrabit enim tunc ipsum pinnacidium latitudinem, quæ inquirere lubuit, numerandam ab Eccliptica in dicta Armilla latitudinis suprà vel infrà: prout hæc Australis vel Boræa fuerit, sicq; tam longitudo quam latitudo astri propositi facilè patet. Licet verò hoc Armillare Instrumentum stellarum locis citò & promptè dimetiendis accommodum sit, atque hac explicata forma à nobis constructum, minus quam alias, suas, quas continet, Armillas extra debitum planum vacillare permittat, tamen ne sic quidem id adeò exactè præcavet quin unius vel alterius minuti hinc error obrepere possit: potissimum, quia Armilla Zodiacalis non ubiq; in æquilibrio volvitur, sed suo pondere se atque alias nonnihil extra debita plana, idq; diversimodè, distrahat. Atque hinc factum, ut rarius calibus Armillis; præsertim cum summa præcilio requiritur, uteremur.. Quin potius alias

Æquatorias Armillas excogitavimus, huic vitio non obnoxias. Quod etiam nullo modo in majoribus Zodiacalibus emendari potest, ob è gravius armillarum pondus. In minoribus quidem non adeò sensibile est. At hæc sua parvitate Observationem in minutis exactam non admittunt.



ARMIL-

ARMILLÆ AEQVA- TORIÆ.



EXPLI-

EXPLICATIO FABRICAE ET VSVS.

EXCOGITAVIMUS itaque Armillas quasdam Äquatorias, quæ in Äquilibrio Axis Polorum Mundii hinc inde dispositæ in neutrâ partem suo pondere vel circumductione distrahantur aut à plano Circulorum, quos repræsentant, ab exactâ normâ divelli possint. Id quod in priori dicta ob causas desiderabatur. Forma autem earum est, qualis apposita figuratio ostendit. Suntq; tres solùmmodò Armillæ cum axe quodam tereti; quæ tam äquatorias siderum distantias quâm declinationes metiuntur. Primâ earum & maxima A E S F cæteras continens & sustentans, Meridiani vices supplet. Habetq; in diametro 4. fermé cubitor. Hinc cæteræ interiores estimandæ. Ad cujus etiam planum disponi & regulari debent. Juxta verò A & in opposito loco apud D habet Axem quendam (uti dixi) teretem, revolubilem cum Armilla interiore, Declinationibus dimicendis inservientem, ad cujus medium locum (quod etiam omnium Armillarum Centrum est) Cylindrum apud G sibi Orthogonaliter infixum sustinet, ejusdem in suâ diametro magnitudinis, prout ipse Axis, Attolendus autem Axis cum ipso, quem Diametraliter transit, Meridiano, donec in ejus Divisionibus, quæ singula habent minuta, perpendiculum B V suprà & infrâ, complementum Altitudinis Poli ejus loci contingat; siq; uno piano Meridiani æquidistans, sive illud utrobiq; leniter contingens. Interior verò Armilla quam Declinationibus inservire dixi, per N M O P exprimitur: quia etiâ aliquando piano Meridiani uniri potest, & rursus intra hunc in quascunque partes circumvolvi, prout stellæ obser-vandæ situs requirit. In duobus autem locis, ubi alteram ipsi ad angulos rectos transversalem Armillam, quo Äquatori deputatur, pertransiendo ambit, habet exteriùs laminam, indicantem ipsos Gradus & Minuta äquatoris utrinq; tam videlicet ab una, quam altera op-posita parte. Continet etiam sua pinnacia in quatuor locis, sive Quadrantibus; quorum hic saltém duo apud M & O exprimuntur: in quibus rimulæ sunt parallelæ & æquidistantes Cylindro apud G, tum quoque ab altera parte Axi A D. Suntq; singuli Quadrantes ab exte-riore Armillæ parte ipsi oculo proxima in 90. Gradus divisi, & quilibet horum in 60. mi-nuta more nobis usitato & sa pius per puncta transversalia indicato. Altera verò Armilla transversalis, quam dixi Äquatoris munia sustinere, per H L K I ostenditur: quæ etiam in duobus oppositis locis Meridiano supra dicto apud C, & illi Diametrali firmiter annexatur, atq; eidem ad amissum ad angulos rectos insistit, inq; eo immotus quiescit. Estq; etiâ ab ex-te riore sui parte in omnes Circuli Gradus corundemq; minuta subtiliter distributa. Ac ha-bet quatuor pinnacia pariter facta, ut in priore: quorum duo I K in una semicirculi parte hic exprimuntur. Reliqua duo in altero hemicyclo pariter intelligenda veniunt. Suntq; o-mnia pinnacia ex Orichalco affabré elaborata: ipseq; Meridianus totus est è solido chalibe, ut sustinentis reliquis interioribus sit sufficiens. Armillæ verò binæ decussatim sese intra hunc transeuntes, ab posteriori (de qua dictum) solùmmodò sui parte lamina forti Orichal-cica imbutæ sunt, in qua etiam divisiones existunt; Neque enim undique Orichalco cir-cumductæ sunt, quò minus haberent ponderis. Sunt nihilominus asserculis ligneis in ro-tundam partem coactis, & multipliciter bituminatis, ita artificialiter compositæ, ut non ex uno solido constent ligno; sed pluribus in oblongum tenuiter levigatis, atque hac cautione invicem agglutinatis, ut prout unum crevit in altum, reliquum contrario modo illi appli-cetur: ea videlicet parte, qua cacumen & radicem respicit, viceversa ad invicem commuta-ta. Sic enim experientia me docuit, ligneari materiam tractandam esse pro Instrumentis, ut incurvationi & mutationi minus sint obnoxia. Conducunt autem huc ex omnibus lignis præcipue ex arbore juglandum, & ejus speciei abietis, quam Germani Geuchtenhols vocant, si vicia non sint & diu exsiccatæ. Postmodum verò sic variis laminulis ligneis conglutinatz Armillæ, & in justam formam ac magnitudinem deductæ, linteolo tenui aut membrana ipsius agglutinata circumducuntur. Et minio Cerussæ mixto cum Oleo lini incrustantur & colo-rantur, ut minus aëris mutationem sentiant. Porrò innituntur hæ Armillæ pedestali etiam è solido & forti ligno peculiari, qua vides, forma, facto quod literæ Y designant. Inferius ve-rò Quadratum existens in singulis: isthic angulis cochleas habet apud X quibus totum In-strumentum in requisitam dispositionem cœlestibus, quos imitatur, Circulis analogam dirigitur: Ubi etiam 4. ferramenta versus supremam ejus partem, qua meridiano adjacet, fulcri & fortioris sustentaculi loco, ne hinc inde vacillent Armillæ, adduntur; Quarum u-num per Fb X; alterum F A X signatur.. Reliqua duo sunt à posteriore parte. In eo vero loco, quo pedestale hoc Meridianum cōtingit, in modum semicirculi rotundum est, ut Meridianus illi insistens omni ex parte illud contingat, & firmiter ei innitatur. Qua etiam de causa

EXPLICATIO FABRICAE ET VSUS.

causa quatuor tenacula metallica juxta F S R E apponuntur, intra quae Meridianus compræhensus sensim & tenaciter circumdusi potest, donec Axis ejus Axii mundi corresponeat; sicq; immotæ firmari. Infrà in lateribus hujus pedestalis hinc inde à foraminis, quod plumbum juxta V habet, utraq; parte sunt 4. Icones ornatus gratiâ solerter applicatae, quæ effigies Ptolemaei, Albategnij & Copernici; tum quoq; nostram repræsentant: quarum binæ Copernici videlicet & mea juxta ad visuntur. Reliquæ duæ ab altera parte latent. Cetera pedestale hoc conceruentia, veluti transstra juxta g; & siquæ sunt aliæ partes atque firmitudinis aut ornatus gratia applicatae ex ipsa figurazione diligenter intuenti satis patent.

U s u s hujus Organij est in observandis Siderum (uti dixi) tam Declinationibus quam Ascensionibus rectis'. Nam convoluta Armilla D N M P, cum suo Axe versus sidus denotandum trahuntur & retrahuntur in ea ipsius Pinnacidia, donec juxta Cylindrum G tam supra quam infrà paralleliter Sidus quodvis collineetur: tumq; ipsum pinnacidium in extiore lamina Orichalcica apud Divisiones Declinationem quæ sitam pandit. In altera vero aut transversali trahatur conveniens pinnacidium in aliquam Stellam, cujus Ascensio recta cognita est anteā undecunq;, & reliquum pinnacidium, quod maxime accommodum fuerit, per alium Observatorem (Duos enim sic esse oportet) trahatur in quamvis alias stellas, donec ea etiam utrinq; ad Axem Instrumenti cernatur. Postea numeretur Areus ambo pinnacijs interceptus, qui Differentiam Ascensionalem Stellarum exhibet, quæ addita vel ablata, prout ductus requirit, Ascensioni rectæ cognitæ ignotam anteā patefacit. Idem effici potest, si Armilla Declinationum firmetur in loco Ascensionis rectæ cognitæ & juxta hanc stella nota cernatur, & interima ab alio trahatur aliquod pinnacidiorum in Armilla Æquatoriæ, donec circa Axem stella, cujus Ascensio recta queritur, collimatur. Tunc enim idem pinnacidium in extiore lymbo Æquatoris angulum quæ situm citra ullam additionem vel subtractionem exhibet. Quorsum vero conducant Declinationes & Ascensiones Rectæ Siderum ritè perspectæ, & quam facilis sit ex histam

Longitudinis quam Latitudinis eorundem derivatio, norunt

ij, qui in Astronomica Palæstra versati sunt: & nos


alibi V: D: id compendiose expli-
cabimus.



ARMIL



ARMILLÆ ALIÆ AEQVA-
TORIÆ.



EXPLI-

EXPLICATIO FABRICAE ET VSVS.

ALIAS quoque ejusdem quantitatis Armillas confieri curavi Aequatorias, quarum Ideam hinc vides. Exerior Armilla Meridianum (uti & anteā) repræsentat. Estq; tota Chalybea, ad amissim undiquaq; levigata, & Divisionibus toti Circulo competentibus, ita ut singula etiam contineat Minuta, distributa. In quā cetera quoque, quoad perpendiculum, Polos & Axem intelligenda veniunt; prout in prioribus. Quæ verò intra hanc continentur, tres sunt Armillæ, ita ut totum Organum 4. constet, uno amplius quam antecedens: præter Axem teretem atque Cylindrum illi infixum: quæ etiam unius Armillæ vices commode supplent. Habet autem hoc Instrumentum propterea tres Armillas interiores, excepto Meridiano, eō quod Aequator sit circumvolubilis, non autem quiescens, ut in priori. Ideoq; Armilla IFG Hindiger, eam sustentante, & Orthogonaliter cohibente, quæ etiam ē purp constat Chalybe, quo fortior ad id munus existat; nullis tamē distinctionibus insignita. Ipse verò Aequator, de quo dixi, per PSR indicatus, suas habet divisiones usque in singula minuta, & eas quidem tam ab unā quam altera superficie; prout vel Aequatoriis distantiis, veletiam temporariis momentis discernendis usus postulat: & pinnacidia illi adaptata sunt juxta R & P, tūm quoque plura hic non efformata, quæ observationi inserviunt: quorum eadem est forma, prout in antecedenti, tum quoque similis ratio subdivisionis Graduum. Alia verò Armilla interior, quam N K L M literæ designant, Declinationibus rimandis, prout anteā idonea est. Estq; intra Aequoriam, quam Orthogonaliter transit, convolubilis, ut in loco sui contactus puncta etiam Aequatoria indicet convenientibus laminulis juxta S & M positis. Habet insuper sua pinnacidia juxta Q & O & duo alia hic non depicta: sed pariter ab alteri parte intelligenda. Divisiones quoq; insunt, singulis Quadrantibus minutatim competentes. Omnes autem illæ Armillæ intra Meridianum comprehendens sunt undiquaque Orichalcicis laminis superinductæ; idq; tāta subtilitate & levigatione, ut diceres totas esse ex solido fusas Orichalco. Axis quoque teres Orichalcicus est, uti & ipsa pinnacidia. Perpendiculum R T ē filio constat tenui Orichalcico, prout alijs nobis moris est. Cetera si quæ hic omissa, ex ipso intuitu assequeris, prout etiam in prioribus. Incumbunt hæ Armillæ sustentaculo sive pedestali ē solido Chalybe constanti: quod per X T V Y Z, reliquasq; inter positas literas designatur: Cujus superior pars semicircularis ex G W V ipsum Meridianum reliquas Armillas comprehendente, ab inferiori parte continuè ambit & sustinet; additis quatuor tenaculis, uti & in priori. Reliqua forma hujus pedestralis satis ex ipsa figura liquet: ubi quædam præter utilitatem & corroborationem pulchritudinis causa addita sunt; quæ tamen & ipsa fulcimenta præbent; omniaq; ex solido (uti & anteā dictum) constat chalybe. Infimusq; his substratus Circulus Z crassus & ferreus, à quatuor suis Aequidistantibus locis cochleas habet: Quibus in quadrato lapide subster-nuntur quædam parvæ ferramenta, ut in iis cochlear hæ circumductæ totum Instrumentum ē dirigant, quo Armilla Cœlestibus analogæ requiruntu: Idq; intermediante perpendiculo B T, quod & planum meridiani Mechanici cum Cœlesti unit, & ejus insuper dispositionem ratione Elevationis Poli ordinat: adeoq; omnes interiores Armillas Cœlestibus Circulis, quos æmulantur, analogas reddit. Estq; tota machina in seipso satis robusta, nec alterationi facile obnoxia, cum undiquaq; metallica sit.

Usus ejus est similis cum priori, nisi quod hic Aequator, pro luto revolvatur intra Meridianum. Declinationes accipiuntur pariter, uti prius in Armilla Declinationum, apud suum Cylindrum juxta A centralem per pinnacidia convenientia. Aequoria Distantiae, sive ascensiones rectæ in Armilla transversa æquatoria prout & anteā, nisi quod hic ejus Armillæ Chalybeæ, quæ has ipsas portat, aliquis etiam usus in hac pragmateia esse queat. Accedit & hoc commodi, quod quando stella aliqua in sua debita ascensione recta sic collineatur, tunc punctum æquatoris Meridianum transiens ascensionem rectam medii Cœli indicit. Ideoq; etiam ipsissimum temporis momentum, cognito nimirum loco Solis exacto, veluti eum nostræ suppeditant Tabulae. Potest etiam figi Aequator in Meridiano, & sic per pinnacidium in eodem motum, cujusvis Astri ab eodem capi Distantia, hincque temporis momentum cognosci; uti & in priori: quod anteā indicare omisi: sicq; per hæc duo Instrumenta Armillaria tam Ascensiones rectæ, quam Declinationes unā cum temporum subtillissimis momentis, quæ omnia in Astronomicis maximum habent usum; Cœlitus dimetiri commodum est. Plura de hujus Organi fabrica & usu si quis requirit, cōsulat Progymnasium Astronomicorum Tomum nostrum primum capite secundo, à pagina ejus 250. usq; in 252. completam: Quæ tamen pro majori & præcipua parte hæc, præter quædam alia, sufficienter indicata sunt.

EXPLICATIO FABRICAE ET VSVS.


Subiungam verò & hoc, quod hæ Armillæ certis cochleis disjungi queant ac rursus componi. Idem potest fieri in ipso Chalybeo pedestali sive fulcro: ita ut commodè in alia loca transvehi queant. Id quod in omnibus Instrumentis, ubi cunq; sine eorum detrimen-
to id præstari potest, efficiendum est. Oportebit enim Astronomum esse κοσμοπολίτην, ita ut,
sine necessitate & usus postulet, non uni alicui Regioni ita adstrictus sit, quin aliò etiam migra-
re, & sua secum ferre Instrumenta liberè & lubenter velit & possit. Cùm enim paucissimi
sint, qui hisce arduis disciplinis & exercitiis occupentur, & rarissimè inter Politicos, qui Rei-
publicæ administrationi præesse volunt, inveniantur aliqui, qui his impensè delectentur,
eaq; sovare & sustentare consultum ducant; sed longè plures, qui ea ob ignorantiam aver-
santur atq; inutilia estimant; non oportet Divinæ Astronomiæ alumnum talibus imperi-
tis judiciis obnoxium esse, sed ea ex alto negligere, & nihil satius existimare, quām hisce in-
vigilare studiis, nihilq; aliorum moveri importunitatibus'. Cumq; nimis sunt molesti, sive
politici sive alii, se suaq; aliò transferre: adeò ut ne natale quidem solum, quod dulcedine
cunctos allicit, immemorem nec finit esse sui; hisce Cœlestibus & sublimibus curis, qua
immortalitatis vestigia præ se ferunt anteponere doceat: sed constanti & perseveranti ani-
mo semper in omnem rerum eventum secum cogitare, quod

*Undiq; terra infrà, Cœlum patet undiq; suprà,
Et patriæ est fortè qualibet ora viro.*



ARMIL

ARMILLÆ AEQVATORIÆ MA-
XIMÆ, SESQVIALTERO CONSTAN-
tes circulo.



EXPLICATIO FABRICAE ET VSVS.

ET si binæ machinæ Armillarum æquatoriarum jam anteâ depictæ & expositæ,
 (quæ etjam magno nobis constiterunt) illi, de quo dixi usui satis exactè inserviant,
 id inveni nihilominus postea & construi curavi, alias quasdam paucioribus re-
 quisitis indigentes; utpote unicà solummodo Armillâ intregâ convolubili, & al-
 tera semicirculari quiescente. Quibus duabus omnia, quæ de prioribus dixi, non saltém
 commode, expediuntur, sed & longè promptius, nulloq; obstaculo; quod antecedentes in-
 gerunt, si propè ipsam Armillam Æquatoriam fieri debet collimatio. Tunc enim anterior
 ejus pars intuitui obstat: quemadmodum etjam in Declinationum Armilla prope ipsum
 Æquatorem difficilis fit collimatio; ut de aliis quibusdam impedimentis non dicam. Ha-
 bent hæ alteræ id insuper prærogativæ, quod longè maiores confici queant: Ideoq; Gradus
 cum suis divisionibus magis adhuc discretè exhiberi, & nihilominus sua stabilitate & con-
 volutione usui accommodæ esse: idque facilius quam antecedentes. Forma verò harum
 ingentium & apprimè compendiosarum Armillarum hæc est, quam hic exhibemus: qua-
 tendòs eam in plano repræsentare licuit. A literæ maximam Armillam indicant, quæ undi-
 quaq; Orichalcicis laminis munita in diametro habet 7. cubitos'. Ideoq; Gradus tantos, ut
 singula minuta quadrifiam subdividantur.. Axis ejus B è chalibe constans, & undiquaque
 apprimè teres: interius tamen cavus, ne pondere officiat, in diametro est trium digitorum
 cui circa meditatem affigitur Cylindrus Orichalcicus teres, circa quem proximè apud Axem
 volvuntur utrinq; binæ Regulæ Orichalciceæ E F, Juxta F apud superficiem Armilla habent
 pinnacidia per Dioptra rimarum ipsi Cylindro parallelarum.. Reliqua interstitia quæ vi-
 des apud literas G sunt transtra sive contignationes totam Armillam continentæ & cohi-
 bentes, ne à suâ rotunditate & piano ob magnitudinem dimoveatur. Inferius juxta D desi-
 nit axis in acumen teres, ex ferro quadrato chalibeo, habens simile acuminatum foramen,
 quod per cochleas hinc inde appositæ, potest paululum trudi, quò lubet. Huic innititur A-
 xis ille teres continens, unaq; convolvens totam Armillam.. Ipsum verò ferrum huic sub-
 stratum, infigitur columnæ lapideæ magnæ & longæ, 4. cubitorum quarum binæ infra ter-
 ram firmo fundamento instant; reliquæ duæ superius habentes ab anteriore parte Atlanti-
 sis Mauritianæ Regis effigiem I, in eodem lapide artificialiter excisam: qui corona suâ con-
 tingit Globum lapideum H, columnæ superius ornatus causâ impositum: suprema verò
 Axis pars alteri ferreo fulcro juxta Circumbit: quod inferius bifurcatum est juxta K, transfit-
 que in duos ramos, quorum quilibet magna columnæ tereti è solido saxo fortiter affigitur.
 Distant autem hæ columnæ tantum ab invicem, ut januam ingressi ad Instrumentum præ-
 beant: & indicantur per M & L: Superius juxta C est Cochlea, quæ transversum agit ferrum
 cui isthic incumbit Axis, ut is piano Meridiani correspondeat. Attollitur etjam alia ratione
 tam ibi quam inferius juxta D, & movetur tenaciter, donec axi Mundi exactissime respon-
 deat; sicq; firmatur.. Altera semicircularis Armilla per C literas intelligitur; quæ octo
 columnulis lapideis per P indicatis ad planum Æquatoris immotè sustentatur, tenaculis to-
 tidem ferreis juxta Q existentibus, quæ eam ita cohíbeant, dirigantq; donec & exactè semi-
 circulum circa medium axis designant & insuper secundum Æquatoris planitatem se-
 constanter inclinent. Est etjam undiquaque Orichalco induita, & in diametro habet 9.
 cubitos': Ideoque minutissimarum subdivisionum etjam plus quam ipsa Armilla capex.
 Est autem ob id duobus cubitis semicircularis hæc, amplior ipsa integrâ Armillâ, quò in-
 ter utrasque commodè transiri possit, prout opus est: Et per Scalas extra Armillam lapi-
 deas (quæ hic non exprimuntur) N ascenditur & descenditur secundum ductum ipsius Ar-
 millæ, ut oculus Observatoris ei accommodè applicetur.. Interius verò aliæ sunt Scalæ
 rotundæ per T literas indicatae, quibus ad integrum Armillam inter observandum ascen-
 ditur vel descendet circumquaq; , prout sideris denotandi requirit altior & declivior
 situs'. Juxta utranq; literam N apparet murus, qui circum circa totum Instrumentum am-
 biens, turriculam quandam & semicryptam efficit, totam hanc machinam circumdantem,
 quæ superius testum habet, quod quaquam versum lubuerit, inter observandum aperiri &
 claudi postea potest, ut preciosâ hæc machina ab aëris & imbrium injuria tutâ sit.


Usus ejus est ut in Volubili Armillâ Circulari, Declinationes capiantur, movendo
 Dioptras ad F, & sidus collimando utrinq; juxta Cylindrum E. Sic enim apud E numerat-
 ur quæsita Declinatio. Idq; potest dupliciter fieri, utraq; nimis um dioptra; convolven-
 do Armillam, ut altera etjam pars oculi admovereatur: sicq; ejusdem Sideris bis exploratur
 Declinatio: quæ utrobiq; eadem esse debet. In altera semicirculari, moveantur ejus pin-
 nacida

EXPLICATIO FABRICAE ET VSUS.

nacida juxta R., donec Astrum observandum per eas rimulas circa Axem Butrinq; dispi-
ciatur. Tunc enim ipsum pinnacidium distantiam ejus à Meridiano Äquatoriali in eä-
dem semicirculare Armilla, sive versus ortum sive occasum numerandam monstrat. Hincq;
temporis momentum ex noto Sideris & Solis loco exactissimè sciri. Sin verò Ascensio Re-
cta alicujus Sideris inquirenda sit, unus observator aliquod ex pinnaciis sic in stellam di-
rigat, quæ hanc notam habeat: Alter verò reliquum pinnacidium pariter in aliam, cujus A-
scensio recta queritur: ita ut ambæ stellæ eodem prorsus instanti circa eundem Axem perri-
mulas pinnacidiorum conspiciantur. Arcus enim utriq; pinnacio sic interceptus tunc
pandet eorum differentiam ascensionalem, ex quâ ascensio recta quæ sita, prodit; veluti in
antecedentibus indicatum est. Plura si quis requirit, de hujus amplissimi Instrumenti fabri-
& usu consulat Epistolarum Astronomicarum librum nostrum primum, pag. 245.
& duabus sequentibus. Ibi nonnulla latius indicantur, quæ hic brevitatis
causa omisi. Potest etiam ex ipsa apposita figuraione, si ea attentiùs
consideretur, tam structura, quam usus promptius
capi, quam longis verborum
ambagibus.



ARCUS BIPARTITVS MINO-
RIBUS SIDERUM DISTANTIIS
inferviens.



EXPL.

EXPLICATIO FABRICAE ET VSVS.

DE iis Organis Astronomicis, quæ Altitudines & Azimutha stellarum vario modo rimantur, tūm quoque de his, quæ lōgitudines, & latitudines ac insuper Declinationes atque ascensiones rectas subministrant, egimus. Restat, ut eorū etiam, quæ intercapedines scrutantur, rationem habeamus, & posteā de nonnullis aliis mixtim agamus. Quantum verò ad Distantias Siderum attinet: adornatus est à quibusdam, superioribus Annis Radius Astronomicus qui per se habilis satis, & ad transportandum idoneus; simulq; in Demonstrationibus Geometricis satis speculativé ritè se habet. At in ipsa praxi, suoq; recessu non præstat, quod in accessu pollicetur.. Idq; variis de causis, quas hic recensere supersedeo: alibi forte de iis, deq; iisdem emendatione, quoad fieri possit, sufficienter acturus. Interim de quibusdam aliis hic dicam, quæ usui accommoda, & certitudinem requisitam præbentia à me excogitata & in usu hactenùs habita sunt. Utq; primum quoddam minores Distantias intra duodecimam Circuli partem, sive unum (uti vocant) signum suppeditans indicem; id tale est, prout figura apicata monstrat.

PRIMUM est Regula oblonga ab F incipiens usque in transversalem B A desinens: cuius longitudo est 4. cubitorum: habetq; in dicto transversali duo Cylindra juxta A & B aequaliter à communi junctura distantia: à quorum Centris à punto F ducuntur inferius binii Arcus FC&FD, quorum quilibet ultra æquidistantiam semissis AB, ab Futrinque numeratæ, quæ per K I repræsentari debuit (licet figura id non satis insinuet) initium numerationis in arcu KC sive K D exhibet, eandemq; utrinque quindecim efficit Graduum. Reliqua per CG & DH, hisq; intermixta circa L, & deinceps repræsentata interponuntur, contignationis, ac sustentaculi gratiâ addita sunt, tūm quoque ornatus. Innitur verò hoc Instrumentum fulcro tereti & crasso, quod per TRSQ monstratur: habens in medio, ubi æquilibrium est, juxta E foramen quadratum, in quo suo fulcro in quadratâ etiam claviculâ imponit. Fulcrum verò sic se habet; ut juxta S & T, tūm quoque Q & R sint rotundæ laminæ ferreæ, quæ in substrato tereti Cylindro, spitatum ad minimum in Diametro habente, convolvitur, plumulis è quatuor partibus tenaciter ipsum, ut quovis in situ facile subsistat sustinentibus. Volvitur autem hac ratione ipsum Instrumentum solummodo sursum atque deorsum. Si verò ad latus inclinandum vel reclinandum sit; id fieri; circumducto semicirculo ONM, & firmatâ cochleâ juxta N. Sic enim unâ totum se vertit Instrumentum. Potest etiam per canalem PV, cui in rotundo axe instat, hinc inde in omnes Cæli partes cōvolvi. Canalis autem illi alii pedestali per V & literas X significatio insistit, in quo etiam undiquaq; cum toto Instrumento, prout opus fuerit, circumvertitur, ut id in planum quadrivis stellarum dirigi possit: prout Observationis ratio requirit. Potest etiam ejusdem canalis interior Axis unâ cum ipso, adeoq; innitente Instrumento altius in subjecto pedestali attolli, atq; sic figi immotè prout usus exigit. Descendit enim intra quadrilateram pedestalis formam quadrilaterum quoque solidum lignum, quod sursum ferri atq; remitti, & ubicunque lubet firmari potest; sicq; unâ attolli vel deprimi Instrumentum, veluti stellæ, quarum intercapedo rimanda, altiores vel decliviores in Cœlo fuerint. In ipso autem Instrumento, quoad limbos ubi divisiones sunt, tūm quoque in transversali & Cylindris, omnia sunt Ori-chalcica. Contignationes & fulcra ex ferramentis affabré elaboratis. Reliqua lignea solerter composita & metallicis laminulis, ubi opus est, munita, quò totum Instrumentum firmum sit, & Observationibus idoneum..

Usus eius est (uti dixi) in minoribus distantiis commodè dimetiendis; siquidem in sextante (dæ quo postea) qui duos etiam Observatores requirit, id aptè præstari nequeat, ob caputum conjunctionem, quæ conveniens spatium exigit: licet & alio quodam medio huic incommodo subvenerimus: De quo deinceps. Ut verò intercapedines siderum, quæ duodecimam circuli partem non excedunt, hoc Organo denotentur, firmet unus Observator pinnacidium apud K vel I, prout maximè conveniens fuerit: & alter id quod firmatum non est, trahat in ulteriore limbo, donec sic ambo, binas quas rimantur, stellas circa B & A Cylindros utrinq; conspexerint; quodlibet ad suum Cylindrum in eadem parte attendente: & numerada est in inferiore limbo distantia quæ quærebatur, in Gradibus atque minutis transversalibus juxta conveniens pinnacidium.. Si verò ambo utrunque distraxerint, pari modo poterit adhuc major intercapedo, quæ tamen limitem præscriptum non excedat, constare. Consectarium igitur evadit, quodlibi ambo Observatores utrunque pinnacidium juxta ipsum initium Divisionum, quod est apud K & I, disposuerint, & sic utrinque per Cylindros


EXPLICATIO FABRICAE ET VSVS.

lindros anteriores AB collimationem instituerint, ita ut quilibet suum respiciat, ab eadem parte longæ Regulæ dispositum, quod tunc eandem stellam collinent; siquidem paralleliter visum dirigant. Atque hinc potest explorari Instrumenti certitudo, an ritè se habeat nec nè. Etsi verò hujus Instrumenti fulcrum sive pedestale satis commodum, & usibus requisitis aptum sit; tamen altera ratio, quæ in globoso fit corpore (de qua postea in Sextantis expositione dicemus) adhuc habilior est, & citius planum quārumvis stellarum Instrumentum dirigi concedit. Sed varietas tamen in his, non solum delectat, sed & suam habet utilitatem.

Hoc Instrumento exploravi potissimum stellarum in Cassiopæa ad invicem distantias quæ exponuntur in Progymnasmatum nostrorum Astronomiæ instaurandæ capite quarto pag. 145. atque sequenti; easq; cùm prius ad inventis, dum adhuc duraret nova stella, cuius gratia illæ potissimum de promptæ sunt, contuli, atque ritè se habere deprehendi. Si quis Instrumentum quodcunq; habuerit, quo se distantias Siderum rimari posse existimet, faciat periculum in iisdem Cassiopææ Stellis, an eandem, quam citato loco annotavimus, invenerit illarum intercedinem, in ipso Minuto, adeoq; ejus se-
misse. Aliás sciat, Instrumentum illud, quo utitur, &
observandi rationem nequaquam re-
stè constare.



SEXTANS ASTRONOMICVS
TRIGONICVS PRO DISTANTIIS
rimandis.



EXPLI-

EXPLICATIO, FABRICAE ET VSUS.

VENIO nunc ad sextantis Astronomici explicationem, quatenus is intercapendibus Siderum cœlitus scrutandis apprime idoneus est. Cum enim Radium Astronomicum huic officio, cā qua pars est, præcisione & certitudine nequaquam sufficiere, multa plurium annorum experientia compertum haberem, necessitate urgente excoxitavi sexantes quosdam, variā formā, qui id citra omnem hallucinationem exactè præstarent, inter quos hi, eam, quam cernis, compositionem referentes, mihi commodissimi visi sunt. Ideoq; tres ejusmodi, pauculis quibusdam, quod contignationes, saltē differentibus, confieri feci. Ejus autem explicatio in hunc modum se habet: Compages intra A B C comprehensa ipsum sextantem cum suā contignatione refert: cuius centrum, ad A, Cylindrum habet rotundum. Circumferentia C B sextam circuli partem continens, lateribus A C atque A B quatuor cubitorum à Centro removetur: huic inde ab ipso Centro applicatur Regula A D cum suo pinnacido juxta D, quod rimulas habet Cylindro apud A quiescenti parallelas. Potestq; in circumferentiā hinc inde duci & firmari, prout lubuerit. Habet & alium Cylindrum juxta E quiescentem, priori æqualem: Cui destinatur aliud pinnacidum juxta G additum vel remotum, prout usus postulārit. Reliqua intermedia firmitudinis gratiā contignata sunt: prout hic apparet. Juxta E verò transit foramen quadrilaterum, quod quasi in æquilibrio totius Instrumenti factum est, ut ejus beneficio fulcro inferiori imponi possit sextans, & peracta observatione removeri. Limbus ejus juxta circumferentiam, quæ Divisiones habet transversales, & singula minuta quadrifaria dispertiri potest, undiquaq; Orichalcicus est: quemadmodum & Cylindri atque pinnacidia. Reliqua lignea quidē existunt: sed ita affabré ex variis partibus composita & conglutinata, prout jam anteā in Armillarum explicatione à nobis indicatum est; ut incurvari, aut juxta aëris mutationem alterari nequeant: superinducto etjam linteolo colore oleavino. Si enim omnes ejus partes laminulis Metallicis obtegerentur, nimio pondere intractabile redderetur Instrumentum. Quin & sua gravedine sibi ipsi in debito plano retinendo noceret. Pedestale sive fulcrum, cui inititur, sic habet: Juxta I est Globus quidam undiquaq; laminulis cupreis incrustatus, & apprimè rotundus, habens in diametro paulò plus duobus pedibus. Circa ipsū sunt quatuor ferramenta semicircularia, rotundam quandam Armillam ferream circa medium Globi decussatim octo in locis comprehendentia. Quæ omnia tantū à Globi superficie distant interius, quanta est crassitas unius digiti, & paulò plus. Sunt enim in iis locis, ubi hæc ferramenta armillam illam continent, octo cochlear ferreæ, quæ laminulam rotundam & circumquaq; in oblongum resectam, ut instar plumæ utilitatem habeat, Globo adigant, ut tenaciter iis comprehendatur, ac quomodocumq; circumvolvatur, firmus maneat. Hæc verò semicircularia ferramenta interius etiam talem habent plumam, in quâ Globus utiliter quiescit quæ nona est. Exterius autem quadrato quodam ferro, interius cavo cuidam quadrata columnæ lignæ affigitur: quæ columnæ inferius pedestale, quod circa K literas visitur transit, ita ut in eo attolli deprimiq; possit, & certo loco, prout observationis commoditas requirit, firmari. In Declivioribus enim Distantiis capiendis demittenda est columnæ. In altioribus elevanda, ut collimationes sine molestiâ perfici queant. Porrò imponitur ipse sextans superius juxta foramen E, ut diximus, huie Globo, qui illi subjacet, atque cum ipso in quodvis duarum stellarum planum convolutum commodissimè dirigitur: Utq; firmius ibi, donec observatio peracta est, absque vacillatione permaneant; duo oblongi & teretes baculi I M & N O inferius juxta M & O acuminatum ferricum habentes additi sunt, ut pavimento firmius innitantur, qui superius juxta P decussatim sese transgrediuntur. Easq; observatorum unus ibi manu continet, & prout voluerit, regit.

Usus Instrumenti duos requirit observatores; quorum unus applicato oculo ad pinnacidum fixum juxta C per ejus rimulas, stellam quamvis hinc inde circa Cylindrum A videt, sicq; immotum tenet sextantem adminiculo bacillorum propè P. Jacente verò ipso piano sextantis ad planum duarum stellarum, quarum intercapendinē dimetiri lubet; quod officium ei præstat Globus, in quo tantisper covolvitur, donec ambæ illæ stellæ circa ejus planitatem visuntur. Movet mox alter observator Regulam cum suo pinnacido apud D, donec & is per rimulas isthic alteram stellam juxta Cylindrum A utrinq; collinet. Idq; tam diuentandum, donec uterq; observator simul & semel suam collinearit stellam: tumq; dato signo per sonum oris, absistendum, & circumferentia sextantis in suo globoso fulcro retrahenda ad oculum cuiuslibet observatoris; ut commodè intercapedinem C D pinnaciis interceptam, quām quærebant, numerare possit. Porrò ut minores etjam Distantiæ hoc eodem